



ბათუმის უნივერსიტეტი

ბათუმის შოთა რუსთაველის სახელმწიფო უნივერსიტეტის გაზეთი №4. აპრილი. 2014.

ინტერვიუ არჩილ ხაბაძესთან „ჩვენ თანმიმდევრულად ვმუშაობთ...“



გაზეთ „ბათუმის უნივერსიტეტი“ აჭარის ავტონომიური რესპუბლიკის მთავრობის თავმჯდომარის, არჩილ ხაბაძის პირველი ინტერვიუ გასული წლის აპრილში დაიბეჭდა. ურთიერთთანამშრომლობის შედეგად ჩვენ, ბატონ არჩილს, ზუსტად ერთი წლის შემდეგაც შევხვდით, ვისაუბრეთ მოგვარებულ თუ მოუგვარებელ პრობლემებზე, დავკონკრეტდით განხორციელებული და განსახორციელებელი პროექტების შესახებ. საინვესტიციო პოლიტიკა, რიგი სიახლეები სოფლის მეურნეობასა და ჯანდაცვის სისტემაში, განათლება და ნიგნიერება, მაღალმთიან აჭარაში ჰესების მშენებლობის საკითხი — ეს ის საკითხებია, რომელთა შესახებაც გაზეთი „ბათუმის უნივერსიტეტი“ ბატონ არჩილ ხაბაძეს ესაუბრა.

— ბატონო არჩილ, აჭარის ავტონომიური რესპუბლიკა საქართველოს სხვა რეგიონებთან ერთად მნიშვნელოვან როლს ასრულებს ქვეყნის ეკონომიკური აღმავლობის და განვითარების საქმეში. როგორი საინვესტიციო პოლიტიკა აქვს ადგილობრივ ხელისუფლებას უცხოური ინვესტიციების მოზიდვის კუთხით?

— მინდა გითხრათ, რომ საინვესტიციო მიმართულება საერთო სახელმწიფოებრივ ინტერესებს არ ცდება. ჩვენი გეოგრაფიული მდებარეობიდან გამომდინარე, გვაქვს მეტი ფუფუნება, რომ დავაინტერესოთ სხვადასხვა მიმართულებით ინვესტორები. ამ შემთხვევაში, ვგულისხმობ, როგორც ტურისტულ მიმართულებას, ასევე სოფლის მეურნეობას, ტრანსპორტს და სხვა სფეროებს. ის განსაკუთრებულია, რაც ჩვენს რეგიონს გააჩნია, ტურისტული ზონაა. ქობულეთში საგადასახადო კუთხით შეღავათებიც გვაქვს, ინვესტორს შეუძლია გადასახადისგან გათავისუფლდეს. გვაქვს კონკრეტული შეთავაზებაც — თუკი სასტუმრო 100 სტუმარზე მეტი კაცისგან იქნება დაკომპლექტებული,

იგი 5 წლის განმავლობაში გადასახადისაგან გათავისუფლდება. ასევე პრივატიზების დროს ვარირება შეიძლება იმაზეც, რომ ან კონკრეტულ პირთან მოლაპარაკება ვანარმოთ, ან კიდევ აუქციონის გზას მივმართოთ. მრეწველობის და ბიზნესის განვითარების კუთხით გეტყვი, რომ გვაქვს აეროპორტი, პორტი, რკინიგზა, გვექნება ავტობანი და ეს ყველაფერი ერთად მობილიზებული აჭარაში, ძალიან მიმზიდველია ინვესტორისთვის. ვმუშაობთ, ვქმნით, გავცდით გეოგრაფიულ არეალს, ვთანამშრომლობთ თურქეთთან, რუსეთთან, აზერბაიჯანთან, უკრაინასთან, თუმცა ამ უკანასკნელში არსებულმა პოლიტიკურმა მოვლენებმა, განსაკუთრებით იმოქმედა ინვესტორებზე. საბოლოოდ კი, ჩვენთვის პრიორიტეტი მაინც ტურიზმი და სოფლის მეურნეობაა.

— სოფლის მეურნეობა ერთ-ერთი მნიშვნელოვანი დარგია არა მხოლოდ რეგიონის, არამედ ქვეყნის მასშტაბითაც. რა სტრატეგია აქვს არჩეული აჭარის ა.რ. მთავრობას სოფლის მეურნეობის პროდუქციის შესყიდვა, გადამუშავებასა და რეალიზაციასთან დაკავშირებით?

— პირველ რიგში, უნდა ითქვას, რომ საქართველოს სოფლის მეურნეობის სამინისტრო რასაც აკეთებს საერთო სახელმწიფოებრივი პროგრამის ფარგლებში, ჩვენზეც ვრცელდება, თუმცა გვაქვს იმის საშუალება, რომ აჭარის სოფლის მეურნეობის სამინისტრომ დამოუკიდებლად დაგეგმოს ბიუჯეტი და განახორციელოს სხვადასხვა პროგრამა, რაც მხოლოდ აჭარაში განხორციელდება.

ამ მხრივ, 2013 წელს რამდენიმე მნიშვნელოვანი პროგრამა განვახორციელეთ. ერთ-ერთი იყო მინის ანალიზის საკითხი, რაც საბჭოთა კავშირის დაშლის შემდეგ არ აუღიათ. მაგალითად, მემცენარეობა რომ განავითარო, მინა უნდა შეისწავლო. ნაყოფის მოყვანის თვალსაზრისით სხვადასხვა წინააღმდეგობას ვაწყდებით. მაგალითად, მანდარინს ფერი არ აქვს, მცენარე დაზიანებულია, არ არის კარგი ნაყოფი, — სწორედ ამ სირთულეების ფონზე, აუცილებელია მინის ანალიზი. რამდენადაც მახსოვს, ქობულეთსა და ხელვაჩაურში ათასი სინჯი, ხოლო მაღალმთიან აჭარაში სამი ათასი სინჯი ჩატარდა. მივედით დასკვნამდე, რომ მინა ძირითადად კალიუმის ნაკლებობას განიცდის. ამით იმის თქმა მინდა, რომ ჩვენი მიზანი თანმიმდევრული მოქმედებაა. თუკი მინის ანალიზმა გვიჩვენა, რომ კალიუმში აუცილებელია, წელს ვგეგმავთ კალიუმის მიწოდებას და მინის განაყოფიერებას. გასულ წელს ხუთი კორპორაცია შევექმენით, შემდეგ ეს საქართველოს სოფლის მეურნეობის სამინისტრომაც გააკეთა. ამით მცირე მიწების გაერთიანება გვინდოდა. მაგალითად, ეს ჩვენ ქედაში ყოფილი კოლმეურნეობის ბაზაზე გავაკეთეთ და რამდენადაც მახსოვს, 160 კომლი არის გაერთიანებული. ამით კი იმის თქმა მინდა, რომ თუკი ფერმერი და მინის ნაკვეთები არ გაერთიანდება, ტრაქტორის შეყვანა ძვირი დაჯდება.

მეფუტკრეობის მიმართულებით შარშან სკები დავამზადებინეთ. მოთხოვნის ზრდის გამო, იმავს წელსაც ვაგრძელებთ. წელს რიგი დანადგარები უნდა შემოვიტანოთ, რათა მოსახლეობამ დაინახოს, რომ ბევრი რამის გაადვილება შესაძლებელია. მყიდველი მხოლოდ 30 პროცენტს გადაიხდის, დანარჩენს კი სახელმწიფო. ერთ

პროგრამას მეორე მოყვება, მეორეს მესამე... ჩვენ თანმიმდევრულად ვმუშაობთ.

გვინდა თაფლის ლაბორატორიის გახსნაც. მართალია, ძვირადღირებული დანადგარებია შესაძენი, მაგრამ ბიუჯეტში ცვლილებას შევიტანთ, რადგან ეს აუცილებელია. ეს ლაბორატორია უმნიშვნელოვანესი იქნება, რადგან სერტიფიკატს თუ დასკვნას, რომელსაც იგი გასცემს, თაფლის ექსპორტზე დადებითად აისახება.

— რამდენად არის შესაძლებელი ჩვენს რეგიონში მეცხოველეობის განვითარება და ხომ არ ფიქრობს ხელისუფლება ამ მიმართულებითაც კონკრეტული ნაბიჯების გადადგმას?

— ჩვენი რეგიონის პირუტყვი ცოტას იწველება, ამიტომ აუცილებელია სხვადასხვა ჯიშთან შეჯვარება. ჩვენ ხელოვნური განაყოფიერების სპეციფიკა დავნერგეთ და ჯერ კიდევ ერთი თვის წინ, საერთო ჯამში 120 ხბო გვყავდა მოგებული. ხორცის ჯიში იქნება თუ წველადობის ზრდა, ორივე უნდა გამოსწორდეს. ეს ძალიან მნიშვნელოვანი პროექტია. უნდა ვიცოდეთ, რომ შედეგი ერთ წელში, მხოლოდ ერთ სეზონზე ვერ მიიღწევა. ამ მხრივ სტატისტიკურ ანალიზს ვაკეთებთ, რათა სამომავლოდ ინვესტორს შევთავაზოთ, რომ კონკრეტული მიმართულებით ბაზარი თავისუფალია. პროექტით დაინტერესებულნი არიან და ველოდებით მომგებიან ინვესტიციას.

მეციტრუსეობის მხრივ, მომავალი სეზონისთვის გვინდა, რომ ხელვაჩაურში გადამამუშავებელი საამქრო გვექონდეს. მსგავსი ქობულეთში უკვე ფუნქციონირებს, რომელმაც ჩვენი



დედაინის დღე



ტექნოლოგიური ფაკულტეტის აგრარული მიმართულების სტუდენტებმა დედაინის დღე ტრადიციულად სხვადასხვა ღონისძიებით აღნიშნეს. ბათუმის შოთა რუსთაველის სახელმწიფო უნივერსიტეტის აგრარული ფაკულტეტის სპეციალისტების მეთაურობით კურსის სტუდენტებმა გამოუშვეს კედლის გაზეთი „გაუფრთხილდეთ დედაინას“ და გამართეს მოკლემეტრაჟიანი დოკუმენტური ფილმის - „ანთროპოგენური ზემოქმედების შედეგები ბუნებაზე“ ჩვენება. საქართველოს ეროვნული აკადემიის წევრ-კორესპონდენტმა, პროფესორმა ვანო პაპუნძემ ლექცია წაიკითხა თემაზე: „დედაინაზე არსებული გარემოს დაცვის გლობალური პრობლემები“.

ღონისძიებების დასასრულს, სტუდენტებმა და საცდელ ნაკვეთზე დარგეს 70-ზე მეტი მრავალწლოვანი ხის ნერგი.

ევროპის აკადემიური ცენტრის პრეზენტაცია გაიმართა ბათუმის შოთა რუსთაველის სახელმწიფო უნივერსიტეტში



ევროპის აკადემიური ცენტრის პრეზენტაცია გაიმართა ბათუმის შოთა რუსთაველის სახელმწიფო უნივერსიტეტში. ევროპის აკადემიური ცენტრის დამფუძნებლებმა ეთერ სანაია და ბექა ქანთარია სხვადასხვა სპეციალისტების სტუდენტებს გაცვლით პროგრამები, ევროპასა და ამერიკის შეერთებულ შტატებში მიმდინარე გაეროს მოდერული პროგრამები, მადრიდის, ლონდონის, პრადის საზაფხულო სკოლებისა და სტაჟირების პროექტები წარუდგინეს. ორგანიზაცია ახალგაზრდებს ასევე სთავაზობს ტრენინგ-კურსების გავლას, სწავლის გაგრძელებას უცხოეთის უმაღლეს საგანმანათლებლო დაწესებულებებში, დისტანციურ სწავლებასა და მონაწილეობის მიღებას საერთაშორისო კონფერენციებში.

ფესტივალი – „პროფესიული განათლება დასაქმებისთვის“

ბათუმის შოთა რუსთაველის სახელმწიფო უნივერსიტეტმა ფესტივალი - „პროფესიული განათლება დასაქმებისთვის“ მიიღო მონაწილეობა. ტურიზმის ფაკულტეტის დეკანის მოადგილემ მერაბ დიასამიძემ, სტუდენტთა მომსახურებისა და მხარდაჭერის სამსახურის უფროსმა რევაზ ოკუჯავამ და სტუდენტმა ვახტანგ ასათიანმა დაინტერესებულ პირებს უნივერსიტეტის პროფესიული საგანმანათლებლო პროგრამები, სწავლების პირობები და პარტნიორი დამსაქმებელი კომპანიები გააცნეს. საქართველოს განათლებისა და მეცნიერების სამინისტროს მიერ ორგანიზებულ ფესტივალში 31-მდე საგანმანათლებლო დაწესებულება მონაწილეობდა.



ბსუ-ს ტურიზმის ფაკულტეტის 6 სტუდენტი სასწავლებლად ნორვეგიაში გაემგზავრა

ტურიზმის ფაკულტეტმა ერთობლივი პროექტის „ნორვეგიაში, საქართველოსა და ყირგიზეტში ტურიზმის მდგრადი განვითარებისა და ინოვაციების სფეროში განათლება“ განხორციელების მესამე ეტაპი დაიწყო. პროექტით გათვალისწინებულია ტურიზმის ფაკულტეტის 6 სტუდენტის სწავლება (ერთი სემესტრი) ნორვეგიის ტელემარკის უნივერსიტეტში „ტურიზმის მენეჯმენტის“



სპეციალობაზე. კონკურსი გაიმართა შემდეგი პირობებით: ინგლისურ ენაში ტესტირება, კომუნიკაციის უნარი, კულტურათაშორისი კომუნიკაციის უნარი და საშუალო აკადემიური მოსწრების მაჩვენებელი. კონკურსში მონაწილეობა 62 სტუდენტმა მიიღო, მათგან პირველ ეტაპზე 16 სტუდენტი გადავიდა. ჯგუფთან 7 აპრილიდან 12 აპრილამდე ნორვეგიის ტელემარკის უნივერსიტეტის პროფესორებმა თემურ აბესაძემ და ფრუდე ლიენგიმ ტრენინგები ჩაატარეს და 6 საუკეთესო კონკურსანტი შეარჩიეს. სტუდენტები: მინდია კურცხალიძე, ანა ჯაფარიძე, ანა სანიკიძე, ვახტანგ გვენეტაძე, ირმა დოლიძე და ვიორჯი გელაძე სწავლას ნორვეგიაში 20 აგვისტოდან განაგრძობენ. უნივერსიტეტის რექტორმა, პროფესორმა ალიოზა ბაკურიძემ და ტურიზმის ფაკულტეტის დეკანმა როსტომ ბერიძემ სტუდენტებს გამარჯვება მიულოცეს და წარმატებები უსურვეს.

1989 წლის 9 აპრილი



ბათუმის შოთა რუსთაველის სახელმწიფო უნივერსიტეტის სტუდენტებმა და პროფესორ-მასწავლებლებმა 1989 წლის 9 აპრილს მთავრობის სასახლესთან საქართველოს დამოუკიდებლობისათვის დაღუპული გმირების სხონას პატივი მიაგეს. 25 წლის წინ განვითარებულ მოვლენებს მიეძღვნა სტუდენტთა კონფერენცია თემაზე: „9 აპრილი - სისხლით დამძიმებული თავისუფლება“. ტრადიციული მოვლენების ამსახველი ფოტოქრონიკის ჩვენების შემდეგ სტუდენტებმა და პროფესორ-მასწავლებლებმა კიდევ ერთხელ გაისინეს ტრადიციულ ღამეს დაღუპული გმირები, მათი სხონის უკვდავსაყოფად სანთლები დაანთეს, ზღვისპირა პარკში მანათობელი ფრანები გაუშვეს და მემორიალი ტიტებით შეამკეს.

საერთაშორისო სავაჭრო პალატის პროექტის წარდგინება

ბათუმის შოთა რუსთაველი სახელმწიფო უნივერსიტეტში ახალგაზრდული უმაღლესი საბჭოს ორგანიზებით საერთაშორისო სავაჭრო პალატის პროექტი ICC Youth Georgia-ს პრეზენტაცია ჩატარდა. პროგრამა მიზნად ისახავს წარმატებული, აქტიური სტუდენტების ჩართვას ბიზნეს პროექტებში, ახალგაზრდებისათვის გამოცდილების გაზიარებას, პროფესიული უნარ-ჩვევების განვი-



თარების ხელშეწყობას, დასაქმებასა და ახალგაზრდული ინიციატივების მხარდაჭერას. საუკეთესო სტუდენტური პროექტები კომპანიის მხარდაჭერით განხორციელდება. საერთაშორისო სავაჭრო პალატის ახალგაზრდულ პროექტში ქვეყნის შვიდი უმაღლესი საგანმანათლებლო დაწესებულების სტუდენტები არიან ჩართულნი.

სამეცნიერო-კოვლარული და საზოგადოებრივი ჟურნალ „მაჭახლის“ წარდგინება

შოთა რუსთაველის დარბაზში სამეცნიერო-პოპულარული და საზოგადოებრივი ჟურნალ „მაჭახლის“ ახალი ნომრის პრეზენტაცია და ჟურნალისტ გოდერძი შარაშიას დოკუმენტური ფილმის „მაჭახლის აკვანი“ ჩვენება შედგა. ჟურნალი ბათუმის შოთა რუსთაველის სახელმწიფო უნივერსიტეტის ნიკო ბერძენიშვილის ინიციატივით გამოცდა და „მაჭახლობის“ სახალხო დღესასწაულს ეძღვნება. „მაჭახელი“ მკითხველს სიახლით გამოჩვენებს სხვადასხვა თემატიკის სტატიებს, ინტერვიუებსა და ხეობის ცხოვრების ამსახველ მასალებს სთავაზობს. ჟურნალში გამოქვეყნებულია მაჭახლის, კირნათის, ახალსოფლის სოფლების სამეურნეო და კულტურული ცხოვრების ამსახველი წერილები, ზემო მაჭახლის მეტყველების ნიმუშები, მაჭახლელ მუჰაჯირთა დასახლებებისა და განსახლების ისტორია, ხელვაჩაურის მუნიციპალიტეტის სიახლეები. წარდგინება უმაღლესი საგანმანათლებლო დაწესებულებისა და ხელვაჩაურის მუნიციპალიტეტის ორგანიზებით გაიმართა.



კონსულტაცია ღია და მონაწილეობითი საჯარო მმართველობის საინიციატივო

იუსტიციის სახლის აღმასრულებელი დირექტორის მოადგილემ ირაკლი ლომიძემ, იუსტიციის სამინისტროს ანალიტიკური დეპარტამენტის წარმომადგენელმა ლაშა მორგოშიამ, ინფორმაციის თავისუფალი განვითარების ინსტიტუტის (IDFI) თავმჯდომარემ ლევან ავალიშვილმა და ახალგაზრდა იურისტთა ასოციაციის წარმომადგენელმა სულხან სალაძემ ბათუმის შოთა რუსთაველის სახელმწიფო უნივერსიტეტის სტუდენტებისა და პროფესორ-მასწავლებლებისათვის კონსულტაცია გამართეს ღია და მონაწილეობითი საჯარო მმართველობის საკითხებზე. საქართველოს იუსტიციის სამინისტროს მიერ ორგანიზებული შეხვედრა მიზნად ისახავდა საზოგადოების ინფორმირებულობასა და მის ჩართვას მთავრობის ორწლიანი ერთიანი სამოქმედო გეგმის შემუშავებაში. კონსულტაციის მონაწილეებმა წინა წლებში განხორციელებული პროექტები შეაჯამეს და გამჭვირვალე, ღია მმართველობის ხელშეწყობის პრიორიტეტები განიხილეს.



მთავრობის ადმინისტრაციის უფროსის მოადგილემ ნინო კობახიძემ ბსუ-ს სტუდენტებისათვის საქართველოს პრემიერ-მინისტრის ირაკლი ლარიბაშვილის საგანმანათლებლო ინიციატივების წარდგინება გამართა

საგანმანათლებლო ინიციატივები საერთაშორისო განათლების ცენტრის შექმნას, საჯარო სამსახურში წარჩინებული სტუდენტების სტაჟირებასა და სოციალურად დაუცველი სტუდენტებისთვის საერთო საცხოვრებლის აშენებას ითვალისწინებს. ნინო კობახიძემ წარდგინებისას ყურადღება გაამახვილა ასევე საქართველოს მთავრობის ერთ-ერთ უმთავრეს პრიორიტეტზე - განათლებაზე და მისი განვითარების პერსპექტივებზე. საგანმანათლებლო ინიციატივების წარდგინების შემდეგ შეხვედრა კითხვა-პასუხის რეჟიმში წარიმართა და მთავრობის ადმინისტრაციის უფროსის მოადგილემ სტუდენტების კითხვებს უპასუხა.





(დასაწყისი პირველ გვერდზე)

„ჩვენ თანმიმდევრულად ვმუშაობთ...“

მოლოდინი გაამართლა. აღნიშნული საამქრო მხოლოდ ციტრუსზე არ იქნება ორიენტირებული, რადგან მისი სეზონი მხოლოდ 2-3 თვეს მოიცავს. მთელი წლის განმავლობაში შესაძლებელი იქნება ხილის სხვადასხვა სახეობის გადამუშავება.

გვსურს, ქედის რაიონში, მეთამბაქოეობის აღორძინება. ვგეგმავთ, თამბაქოს ექსპორტს. ამ მხრივ, არის დაინტერესება და ვფიქრობთ, უახლოეს მომავალში ბევრი რამ შესაძლებელი იქნება.

ასევე ვგეგმავთ, წველების გადამამუშავებელი ქარხნის გახსნასაც. ვფიქრობთ, ხელვაჩაურის საამქრო ამას ვერ შეითავსებს, ამიტომ მას ალბათ შუახვეში გავხსნით. რამდენადაც ვიცი, იგი ადრე ქედაში, სოფელ ზვარეს მიმდებარე ტერიტორიაზე წარმატებით ფუნქციონირებდა. ხელი უნდა შევუწყოთ, მევენახეობის განვითარებასაც. ქედაში ღვინის ქარხნის მშენებლობაც იგეგმება.

— **გადავინაცვლოთ ისეთ მნიშვნელოვან საკითხზე, როგორცაა ჯანდაცვა. როგორია ჩვენს რეგიონში ამ მიმართულებით გადადგმული ნაბიჯები და რაიმე სიახლეები ხომ არ იგეგმება?**

— ჩვენი სურვილია, იმ 7 მილიონიანი ბიუჯეტით, რომელიც აქვს ჯანდაცვას, სხვა მიმართულებებიც უზრუნველყოთ. საყოველთაო ჯანდაცვა, მართლაც უმნიშვნელოვანესი მოვლენა იყო ჩვენთვის. აუცილებელია გადაუდებელი შემთხვევების დროს დახმარება. წელს პირველად დავინწყეთ იმ პროგრამაზე მუშაობა, რომელიც დიაბეტით დაავადებულთა მკურნალობას ითვალისწინებს. ჯანდაცვის სამინისტრო ერთადერთია, რომლის მისამართითაც მოსახლეობის მხრიდან პრეტენზია არ მსმენია. ამაზე ვერც ოპოზიცია იღებს ხმას. თითოეული აქაური პაციენტი საერთო სახელმწიფოებრივი დაზღვევით სარგებლობს. ამის გარდა, ფუნქციონირებს მთავრობის თავმჯდომარის ფონდი, შარშან 300 000 ლარი დავხარჯეთ. 2013 წელს ჯანდაცვის სფეროში საუკეთესო შედეგი გვქონდა. წელს პირველად ჩავატარეთ ბათუმის მასშტაბით ბავშვებისთვის სქოლიოზის უფასო გამოკვლევები. ასე რომ არ გავაკეთოთ, ეს 10-15 წლის შემდეგ ბიუჯეტიდან დიდ ხარჯს მოითხოვს. ასეთი წინდახედული პროგრამები ხორციელდება ჩვენთან.

სოციალური პროგრამების შესახებაც მოგახსენებთ. თუკი ადრე 100 წელს გადაცილებულ ადამიანებს 500 ლარს ჩუქნიდნენ, წელს ეს თანხა 1000 ლარამდე ავიყვანეთ. ასევე დახმარებას გავცემთ ყოველ მესამე და შემდგომ შვილზე, ტყუპებზე...

გავხსენით სისხლის ბანკი, აშენდება კერძო საავადმყოფოები. ბაგრატიონის ქუჩაზე უცხოელი ინვესტორების მიერ საუნივერსიტეტო კლინიკის აგება იგეგმება, სადაც სხვადასხვა მიმართულებით გადამზადება იქნება შესაძლებელი. ბევრი რამ იგეგმება და რამდენიმე წლის შემდეგ, ჩვენ თანამედროვე აპარატურით აღჭურვილი კლინიკების პრობლემა აღარ გვექნება. ჩვენი ამოცანაა რესპუბლიკური საავადმყოფოს მოწესრიგება, რომელიც იქნება მრავალფუნქციური, რეგიონალური და შეგვეძლება კონკურენციის განევა. ეს ყველაფერი 16 მილიონი დოლარი ჯდება, აქედან ნახევარი — აპარატურის შესაძენად არის საჭირო.

— **უდიდესია განათლებისა და წიგნიერების როლი ქვეყნის განვითარების საქმეში. ბევრ პროფესიას უკვე სახელმწიფო აფინანსებს და საუნივერსიტეტო განათლება ფაქტიურად ცალკეული დარგების მიხედვით, უფასოა. როგორ უდგას გვერდით ამ მხრივ აჭარის ა.რ. მთავრობა ჩვენს რეგიონში არსებულ უმაღლეს სასწავლებლებს?**



— მოგეხსენებათ, უნივერსიტეტები ცენტრალიზებულია და საქართველოს განათლების სამინისტროს მიერ იმართება. ჩვენ არ გვაქვს მათი მართვის უფლება, როგორც კანონში წერია, შეგვიძლია ხელშეწყობი ღონისძიებების დაფინანსება. გვქონდა საუბარი სოციალურად დაუც-



ველ და წარჩინებულ სტუდენტთა დაფინანსების შესახებ, მაგრამ თუკი მხოლოდ სოციალურად დაუცველია და კარგად არ სწავლობს, მას არ ვაფინანსებთ. ჩვენ განათლების სისტემას ნამდვილად ვეხმარებით და წელს მილიონ ნახევარი ლარი შოთა რუსთაველის სახელმწიფო უნივერსიტეტს გამოვუყავით. რაც შეეხება საზღვაო აკადემიას, ჩვენი მისი შენობის მოვლას უზრუნველვყოფთ. იგი არქიტექტურული ნაგებობაა, მაგრამ რადგანაც ის ეკონომიკისა და მდგრადი განვითარების სამინისტროს ექვემდებარება, მათ 2 მილიონ ნახევარი ლარით დააფინანსეს. ასევე, თამარის დასახლებაში არსებული შენობა უნივერსიტეტს ჩვენ გა-

დებელი უნდა იყოს და სულ ხელგამონვდილი ვერ იქნება. ჩვენ არ გვაქვს იქ აუდიტის შეყვანის უფლება, რადგან იგი ჩვენ არ გვექვემდებარება. თუმცა, იქ კადრებს ნაცნობობით და მეგობრობით არ უნდა ასაქმებდნენ და არც პოლიტიზირებული უნდა იყოს. მაქსიმალურად ვცდილობ, რომ არ ჩავერთო, მაგრამ ეს ხომ უნდა დასრულდეს? ერთია, რომ სტუდენტს და ლექტორს გააჩნია ინდივიდუალური შეხედულება ამა თუ იმ მოვლენის მიმართ, მაგრამ ზოგადად, მისი პოლიტიზირება უნდა დასრულდეს. იქ არ უნდა არსებობდეს დაჯგუფებები და პოლიტიკურად აქტიური პირები. მათი მთავარი მოვალეობაა სასწავლო პროცესის წარმარ-

დება და მეორე მხრივ, ჩვენ ვუნწყობთ ხელს ნიჭიერ სტუდენტებს, რადგან მათ პოტენციალს სამომავლოდ გამოვიყენებთ. 238 სტუდენტი ფინანსდება ამ სემესტრში 1125 ლარით. დარწმუნებული ვარ, ეს ფონდი რომ არა, მათი 30-50% მაინც უნივერსიტეტში სწავლას ვერ გააგრძელებდა. უნივერსიტეტმა კარგად უნდა გააცნობიეროს, რომ ჩვენ ამ კუთხით მათ ვეხმარებით და ეს ძალიან მნიშვნელოვანია.

— **მაღალმთიან აჭარაში ჰესების მშენებლობის საკითხი საკმაოდ ხმაურთან თემად იქცა. თქვენი მოსაზრება ამის თაობაზე...**

— ძალიან მნიშვნელოვანია იგი ჩვენი რეგიონისთვის და მთლიანად საქართველოსთვის. ჩვენ ვვითარდებით, ენერგომომსახურება იზრდება და შესაბამისად, ქვეყანამ უნდა უზაუსხოს ამ გამოწვევას. უნდა შევქმნათ ახალი ჰესები, რომ გვექონდეს ელექტროენერჯია, ამისთვის ყველაზე იაფი, პრაქტიკული და ერთადერთი წყარო არის ჰესების არსებობა. გვინდა გავხსნათ ფაბრიკა-ქარხნები და მოვიზიდოთ უცხოელი ინვესტიციები, ამას კი აუცილებლად სჭირდება ელექტროენერჯია. ეს არამარტო სადღეისო, არამედ სამომავლო გათვლაა. ასევე მნიშვნელოვანია ის, რომ თვითმმართველობის არჩევნების შემდეგ თითოეულ თემს და სოფელს ჰქონდეს თავისი ბიუჯეტი. ჩვენი ვარაუდით, ყოველწლიურად სახელმწიფო ამ ჰესიდან 20 000 000 ლარის ოდენობით სარგებელს მიიღებს. თურქულ კომპანიას თავისი ინტერესები აქვს, უნდა რომ პროექტი მომგებიანი იყოს და ეს ბუნებრივიცაა. მისი მხრიდან ჩადებულია 600 000 000 ლარი. ჩვენ კი, ამდენი შეხვედრის შემდეგ მივედით იმ დასკვნამდე, რომ ის რაც ბუნებრივად მიმდინარეობს, წინ ვერაფერი ალუდება, ეს პროცესი არაფერს არ დააჩქარებს, პირიქით... ამით შეიძლება ბევრ მოვლენას ხელი შევუშალოთ. ინვესტორი ხომ თავისი ქონების განადგურებას არ დაუშვებს?!

მოკლედ, მოლაპარაკებები კვლავ მიმდინარეობს. პროცესში სამი მხარეა ჩართული: მოსახლეობა, კომპანია და სახელმწიფო. შესაბამისად, ყველა მის წილ ვალდებულია პასუხისმგებელი. ყველაფერი სამართლებრივად მოგვარდება.

დავეცი. აღნიშნული ობიექტი და ქობულეთში მდებარე ლაბორატორია მანამდე ეკონომიკის სამინისტროს ექვემდებარებოდა. ეს მაშინ წინა ხელისუფლების მოთხოვნა იყო, რომელსაც უნივერსიტეტის მენეჯმენტი ემორჩილებოდა. ეს არასწორია და ჩვენ გამოსწორებას ვცდილობთ. უნივერსიტეტი დამოუკი-

თვა და განათლების მიღება, პოლიტიკური განცხადებებისთვის კი, დრო არ უნდა ჰქონდეთ. ძალიან დიდ პატივს ვცემ ყველას, მეც მანდ მივიღე განათლება. ჩვენ სოციალურად დაუცველ და წარმატებულ სტუდენტთა დახმარებით ორმაგ საქმეს ვაკეთებთ — ერთი, რომ უნივერსიტეტს სტუდენტი არ აკლ-



ქართული ენის სწავლება საჯარო სკოლებში

ქართული ენის სწავლება ისევ აქტუალურია. მოსწავლეთა, მასწავლებელთა და ზოგადად მოქალაქეთა სინანულს იწვევს ის, რომ სკოლებში ქართული ენის გრამატიკა ცალკე საგნად აღარ ისწავლება. აღნიშნულ პრობლემასთან დაკავშირებით სწორედ პედაგოგებისა და მოსწავლეების მოსაზრებებს გთავაზობთ:



დათო აბულაძე (მოსწავლე):

„ჩემი აზრით, უფრო კარგი იქნება თუ ცალკე-ცალკე საგნად ვისწავლით ქართულ ენასა და ლიტერატურას, რადგან გრამატიკის ცოდნის დონე ბავშვებში ძალიან დაბალია. თუ გვინდა რომ გამოსწორდეს ქართული ენის არცოდნა, უნდა გატარდეს შესაბამისი ღონისძიებები“.

ქეთევან ქაფელიძე (სტუდენტი):

„მე იმ თაობის წარმომადგენელი ვარ, რომელიც შეესწრო ენისა და ლიტერატურის ცალკე-ცალკე სწავლებას, რაც ძალიან მომწონდა, რადგან გრამატიკის სწავლას ნამდვილად სჭირდება განსაკუთრებული მიდგომა და ყურადღება. მით უმეტეს, ქართული მშობლიური ენაა და პრაქტიკული გრამატიკის ცოდნა თითოეული ჩვენგანის მოვალეობაა. შევესწარი ენისა და ლიტერატურის გაერთიანების პროცესსაც, რაც უარყოფითად აისახა მოსწავლეებზე“.



სათუნა სოლომონიძე (სტუდენტი):

„ქართული ენის სწავლებასთან დაკავშირებით ძალიან უკმაყოფილო ვარ, რადგან თითქმის არ ისწავლება. მიმაჩნია, რომ გრამატიკის სწავლებას თავისებური მიდგომა სჭირდება. ის მეთოდები, რომლებსაც ლიტერატურული ნაწარმოების ასხნისას იყენებს მასწავლებელი, არ არის გამართლებული ენის სწავლების დროს. გრამატიკა დამოუკიდებელი დისციპლინაა, რომელსაც სჭირდება განსაზღვრული დრო. ლიტერატურასთან გაერთიანებამ კი, გრამატიკის უგულვებლყოფამდე მიგვიყვანა. სამწუხაროა, რადგან მშობლიური ენის არცოდნა უნივერსიტეტის მაჩვენებელია“.



თამაზ ბოლქვაძე (მოსწავლე):

„არ მომწონს, რადგან მეტი ყურადღება ექცევა ლიტერატურის სწავლებას. სახელმძღვანელოში თითქმის არაა შეტანილი გრამატიკული მასალა. ამით ჩვენი მოსწავლეები, ვზარალებებით. ეს ძალიან ცუდია, რადგან ლიტერატურასაც აკლდება დრო. ვფიქრობ, ენა და ლიტერატურა ცალკე-ცალკე უნდა ისწავლებოდეს“.



სათუნა თაყაიშვილი (მასწავლებელი):

„სასურველია, სახელმძღვანელოს შექმნისას გაითვალისწინონ მოსწავლეთა ასაკი. ამასთანავე, იგი გათვლილი უნდა იყოს ყველა დონის მოსწავლისთვის. კარგი იქნება, თუ სახელმძღვანელოები მეტი პრაქტიკული დავალებით დაიტვირთება“.



ლერი ქაფელიძე (მოსწავლე):

„გრამატიკა ძალიან ძნელი საგანია. ცალკე საგნად როცა ისწავლებოდა მაშინ უჭირდებოდა ბავშვებს გაგება. მიმაჩნია, რომ ქართული ენა და ლიტერატურა ცალკე-ცალკე უნდა ისწავლებოდეს, ენის ცოდნის დონე ძალიან დაბალია“.

ნათია მასაძე, ქართული ფილოლოგიის სპეციალისტის მეოთხე კურსის სტუდენტი



ქართული ენა არის ღრმა, უნაპირო, ბრძენი, თავმდაბალი და მიუწვდომელი, ვითარცა გონება და სიყვარული. მისი სათავე ისევე უცნობია, როგორც მელქისედეკ მამათავრისა. მასშია მთელი საქართველო. გაზაფხულზე გაშლილი ვარდით მშვენიერია იგი და ახლად-ამოსული მზის ცხოველსმყოფელი სხივით საამო, ცისფერია მისი სამოსი, ზეცაა მისი საწყისი, უფალია მისი მშობელი და მფარველი. სიტყვა მისი მჭრელია, ვითარცა დავით აღმაშენებლის ხმალი, ძლიერია, როგორც სვეტი ცხოველი და ნაზი, ვით ყვავილზე მარგალიტად დაკიდული დილის ნამი.

ილია II, სრულიად საქართველოს კათოლიკოს-პატრიარქი

ქართულად ხსნილად უბნობდი!

მშობლიურ ენაზე ზრუნვის, მისდამი შეუწელებელი ყურადღების სულისკვეთებითა გამსჭვალული წიგნი, რომელიც ქართული ფილოლოგიის დეპარტამენტის ემერიტუს პროფესორის, ქალბატონი მერი ცინცაძის მრავალწლიანი შრომის ნაყოფია. **ქართულად ხსნილად უბნობდი!** ასე ჰქვია ამ წიგნს... შესავალში მოთხრობილია ეპიზოდი გიორგი მთაწმიდლის „იოანეს და ეფთვიმეს“ ცხოვრებიდან, რომ ეფთვიმე ყრმობაში მეტად მძიმედ გამხდარა ავად. მამა, იოვანე, ღვთისმშობელს შვილის გადარჩენას შესთხოვდა. ავადმყოფს ვინმე დედოფალი დასდგომა თავს და უთქვამს: „არარაი არს ვენბაი **ქართულად ხსნილად უბნობდი!** შენ თანა, აღდეგ, ნუ გეშინინ და ქართულად ხსნილად უბნობდი. ეფთვიმე, რომელსაც ბიზანტიაში ცხოვრების გამო ქართული აღარ ახსოვდა, დედაენაზე აღაპარაკებულა და გადარჩენილა კიდევ. ავტორის სათქმელიც ესაა - ქართული ენის ცოდნას სასწაულის მოხდენა, ერის გადარჩენა შეუძლია, შეუძლია გაუძლოს გლობალიზაციის გამოწვევებს და ღირსეულად დადგეს სხვა ცივილიზებულ ერთა გვერდით.

ნებრივ, სწორ კონსტრუქციას მოკლე კომენტარითურთ. ავტორი იტოვებს იმედს, რომ ჟურნალისტები იცნობენ მათ მიერ შედგენილ ფრაზებს, ნაიკითხავენ კომენტარებსაც და უთუოდ იზრუნებენ შეცდომების გამოსასწორებლად.

განსაკუთრებით შემამფოთებელია მასმედიის ენა. აი, კომენტარები, მოხმობილი წიგნის შესავალში: სპარტაკ ჯობულია წერს, თუ როგორი, უცხო სიტყვებით გაჯერებული, მჭლე ქართულით მეტყველებენ ჩვენი ჟურნალისტები, რა აჯაფსანდალია ყვითელ პრესაში.

„უსმენ დღევანდელ ტელენამყვანებს და იშვიათი გამონაკლისის გარდა ვერ გაიგებ, აქაური ქართველი გელაპარაკება, თუ უცხოელი, რომელსაც ახლახან უსწავლია ქართული“, — წერს იოსებ ჭუმბურიძე.

დღესაც ბევრი ლაპარაკობს ქართულს უცხოელივით, გეგონება, მივლინებით ჩამოსული უცხოელია, რომელსაც საყველპურო ქართული უსწავლია სადღაც.

საყველპურო ქართული და საყველპურო ინგლისური... ეს უკანასკნელი დროის საზოგადო წიგნია, რომელიც აფერხებს ჩვენი ქვეყნის ეკონომიკურ, პოლიტიკურ და კულტურულ აღმავლობას.

წიგნი პოპულარული სტილითაა დაწერილი. პირველ თავში საუბარია სიტყვის მნიშვნელობისა და კონტექსტში მისი სწორად გამოყენების საკითხის შესახებ. მკითხველის ყურადღებას იპყრობს ე. წ. „ჩამძირავ სიტყვათა“ ჯგუფი. ეს ის სიტყვებია, რომლებმაც გაიფართოვეს მნიშვნელობა სხვა სიტყვათა სემანტიკის შევიწროების ხარჯზე. მაგ: **რთულმა** ჩაძირა, ჩაყლაპა **ძნელი** და მისი ანტონიმები - **ადვილი**, **იოილი** ჩაყოლა; სიტყვა **საუბარმა** თითქმის ყველა ტექსტში ჩაძირა „**ლაპარაკი**“, **მეტყველება**, **გამოთქმა**.

აქვე განხილულია პლენონასტური ფრაზები: **კარგი შეღავათი**, **წინასწარი პროგნოზი**, **სამომავლო პერსპექტივა**, **მთავარი პრიორიტეტი**, **მცდარი ილუზია**, **ხელისშემშლელი ბარიერი**, **ცრუ ილუზია**. იყენებს მავანი წერასა და საუბარში ასეთ ფრაზებს და არასდროს უფიქრდება იმაზე, რომ მაშინ უნდა არსებობდეს **ცუდი შეღავათი**, **სწორი ილუზია**, **ხელის შემწყობი ბარიერი**, **წარსუ-**

ლის პერსპექტივა ან კიდევ პროგნოზის გაკეთება მოვლენის დასრულების შემდეგ შეიძლებოდა.

აქვე უნდა დავასახელოთ ზმნიზედების ზედმეტად გამოყენებაც: **პრობლემებს კარგად ვაგვარებ**, **კარგად აულო-ალო**, **გადანყვეტილება ძალიან მყარად მივიღე**.

ზმნა შეუფერებელია შემდეგ სინტაგმებში: **პრინციპის შეფერხება**, **ხარვეზის მოგვარება**, **პრობლემის აღმოფხვრა**, **თანხების განევა**, **ნდობის ჩამოშლა**, **რაოდენობის მომრავლება**, **ფაქტის გახსნა**, **ზარების გაკეთება**. შეუფერებელია სახელი: **უფლების აკრძალვა**, **სურვილის გამოთქმა**, **დანაშაულის განახევრება**.

საგანგებო ყურადღება ეთმობა პრესაში მომრავლებულ უჩვეულო ზმნებსა და სახელზმნებს, რომელთაც ავტორი „ნეოლოგიზმებში“ აერთიანებს: **დაანონსება**, **დებატობა**, **დეიტობა**, **გაინტერნაციონალება**, **მლვიძარება**, **პოლემიკობა**... განსაკუთრებით საინტერესოა შტამპებისა და აღწერითი კონსტრუქციების ნუსხა, რომელიც შრომას დამატების სახით უკომენტაროდ დაერთვის: **ხდება**, **ახორციელებს**, **ანარმოებს**, **ენევა**, **ავეთებს**, **ანყობს**. დანართის სახით შრომას ერთვის წინადადებები, რომელთაც სიზუსტე აკლიათ, ორპიროვანი ან საერთოდ გაუგებარია.

ნაშრომის ბოლოს ვკითხულობთ: თითო-ოროლა შეცდომა, ნაკითხული თუ მოსმენილი, თითქოს ისე შემამფოთებელი არ არის. ავტორი იმონუმებს მანანა გინეიშვილის ციტატას: „როცა ჩვენმა ჩანაწერებმა ერთად მოიყარა თავი, საკმაოდ მძიმე ვითარება აღმოჩნდა. არაპროფესიონალის, არაპროფესიონალის შეცდომებს ვინ ჩივის, ენის ნორმებს არღვევენ მეცნიერებიც, ფილოლოგებიც, ხელოვნების კულტურის მუშაკებიც“. ამ მძიმე ვითარების წარმოსაჩვენად, კიდევ ერთხელ გასახსენებლად, გასაზრებლად, დასაფიქრებლად ნაშრომს ერთვის დიდძალი მასალის ნაწილი.

წიგნი მნიშვნელოვანი, ღირებული შენაძენია ქართველი საზოგადოებისთვის, რომლისთვისაც ენის სინამდის დაცვა სახელმწიფოებრივი დანიშნულების საკითხია.

ქართული ფილოლოგიის დეპარტამენტი



დედა-ენის დღე

დედა-ენის დღისადმი მიძღვნილი ღონისძიებები ბათუმის შოთა რუსთაველის სახელმწიფო უნივერსიტეტის სტუდენტებმა და პროფესორ-მასწავლებლებმა მსვლელობით დაიწყეს და ეროვნულ-განმათავისუფლებელი მოძრაობის ლიდერის ილია ჭავჭავაძის ძეგლი გვირგვინით შეამკეს. ღონისძიების ფარგლებში შოთა რუსთაველის დარბაზში კონფერენცია გაიმართა თემაზე: „14 აპრილი – დედა-ენის დღე“. მონაწილეებმა 1978 წლის 14 აპრილს განვითარებული მოვლენები გაიხსენეს და შეაფასეს. ენათმეცნიერებმა და სტუდენტებმა მოხსენებები წარმოადგინეს ქართული ენის პრობლემატიკაზე, მისი სწავლებისა და უფლებების დაცვის საკითხებზე. ასევე შედგა ემერიტუს-პროფესორი მერი ცინცაძის მონოგრაფიის „ქართულად ხსნილად უბნობდი“ და ნანა ცეცხლაძისა და მზია ხახუტაიშვილის წიგნის „სტილისტიკის“ განხილვა. შეხვედრის დასასრულს სტუდენტებისათვის გაიმართა ვიქტორინა „რა ენა ნახდეს...“.



სიყვარული – ღვთისგან ბოძებული ნიჭი

სიყვარული — ძლიერი ერთგულებისა და პიროვნული მიგნების ემოციაა. ფილოსოფიურ კონტექსტში, სიყვარული არის სათნოება, რომელიც წარმოადგენს ყველა ადამიანურ სიკეთეს, თანაგრძნობასა და ერთგულებას. რელიგიურ კონტექსტში, სიყვარული არა მხოლოდ სათნოება, არამედ ყოველი არსების საფუძველი და ყოველი ღვთიური კანონის არსია.

საქართველოში სიყვარულის დღეს აღნიშნავენ 15 აპრილს. ეს დღესასწაული წლების წინ, ჩვენმა თანამემამულემ, ბესო ჩუბინიძემ დააარსა. 1993 წელს, მან პირველად შესთავაზა საზოგადოებას სიყვარულის დღის დაარსების იდეა და ერთი წლის შემდეგ მარადიულ ტრადიციას საფუძველი ჩაუყარა. მან ეს დღე თავის მეუღლეს მიუძღვნა და თან კონცერტით აღნიშნა ვარსკვლავებთან ერთად. საზოგადოების უმეტესობისათვის ეს ინფორმაცია უცნობია, თუმცა კითხვაზე, რატომ მაინც და მაინც 15 აპრილი? პასუხობენ შემდეგნაირად: ეს დღე გაზაფხულის ცენტრია, ირგვლივ ყვავის ბუნება, რაც ადამიანში იწვევს დადებით ემოციებსა და რომანტიკული გრძნობის გამძაფრებას. სიყვარულიც ხომ სხვა არაფერია, თუ არა ბუნების უმაღლესი პოეზია. ამ დღეს ქუჩაში გავლისას დაინახავ შეყვარებულთა ბედნიერ სახეებს, წითელი ვარდებით ხელდამშვენებულ გოგონებს. მიუხედავად ამისა, ზოგი ამბობს, რომ ეს ისეთი გრძნობაა, რომელიც არ საჭიროებს კონკრეტული დროის, თარიღის გამოყოფას. სამას სამოცდახუთივე დღე უნდა იყოს სიყვარულის და ადამიანების ამ თბილი გრძნობით უნდა იყვნენ გამსჭვალულნი.

15 აპრილი არის ზოგადად ყოველგვარი სიყვარულის დღე, თუმცა ის ზოგიერთ ადამიანში მხოლოდ ქალ-ვაჟური სიყვარულთან ასოცირდება. ჩვენც ამ საკითხზე ვისაუბრებთ. მიჯნურობა ღვთისგან ბოძებული ნიჭია. მიჯნურობაზე წერდნენ და წერენ. მარადიული თემაა. მაგრამ, რაოდენ სამწუხაროც არ უნდა იყოს, უნდა ითქვას, რომ რადიკალურადაა შეცვლილი სიყვარულის გამოხატვა. თუ ძველად იყო „შორით კვდომა, შორით დაგვა“, დღეს სულ სხვაგვარი ვითარებაა, თუ კი ძველად შეყვარებულები ითვალისწინებდნენ ოჯახის წევრების აზრს, ამჟამად ახალგაზრდები თავიანთ არჩევანში თავისუფალნი არიან და მოქმედებენ საკუთარი სურვილისამებრ. კარგია, როცა ადამიანს გააჩნია თავისუფალი ნება, მაგრამ ეს უზნობაში არ უნდა გადაიზარდოს. სულ სხვა თაობა მოდის, ენერჯიული, მიზანდასახული, თამამი, ზოგჯერ სითამამე ზღვარგადასულია, რაც სავალალოა. სიყვარულს მალევა, გაფრთხილება ესაჭიროება. დღეს კი პირიქითაა. სოციალური ქსელების პოპულარობამ საშუალება მისცა ადამიანებს პირადი ცხოვრება სააშკარაოზე გამოიტანონ. სამწუხაროდ, დღეს-

დღეობით ჩვენი თანატოლები, როგორც კი შეყვარებულს გაიჩენენ იმ წამსვე ფაცებოკ-სა თუ სხვა ვებსაიტზე მიდის სტატუსების, სასიყვარულო ფოტოების და შემდეგი ფრაზების: „მიყვარხარ“, „უშენოდ არ შემიძლია“ ანდაც უარესი: „ვერ გიტან არარაობავ“ — ატვირთვა. დღეს უპირატესობა ვირტუალურ ურთიერთობას ენიჭება, ადამიანებს ურჩევნიათ ერთმანეთს ინტერნეტის საშუალებით გაუმხილონ გრძნობები, ვიდრე პირისპირ. ეს კი სავალალოა, რადგან ხშირად ყოფილა ისეთი შემთხვევები, რომ სოციალური ქსელით დაახლოებულ ადამიანებს შეხვედრისას უჭირთ საუბარი. უფრო მეტიც, ახალგაზრდები მობილური ტელეფონის საშუალებით გაცნობილ, სრულიად უცხო ადამიანთან ქმნიან ოჯახს. ცხადია, ამგვარი ქორწინება, უმეტეს შემთხვევაში, კრახით სრულდება, რადგან რომ ერთად ცხოვრებისას წყვილები ვერ პოულობენ საერთო ენას, რაც იწვევს ურთიერთობის გამწვავებას და საბოლოოდ განშორებას.

ჩვენ დავინტერესდით თუ რას ფიქრობენ ახალგაზრდები სიყვარულის შესახებ და როგორია მათი მოსაზრებები ამ საკითხთან დაკავშირებით. მივმართეთ მათ შემდეგი კითხვებით: როგორ გესმით სიყვარულის ცნება? გაუფასურდა ის თუ არა? დაკარგა თავისი ღირებულება? არის თუ არა სიყვარული აგებული ანგარებაზე? აქვს თუ არა სიყვარულს ასაკი?

ანა ირამიძე — ბათუმის შოთა რუსთაველის სახელმწიფო უნივერსიტეტის სოციალურ მეცნიერებათა, ბიზნესისა და სამართალმცოდნეობის ფაკულტეტის მე-4 კურსის სტუდენტი:

„ჩემი აზრით, სიყვარული არის სამყაროს უდიდესი ძალა, რომელიც აკეთილშობილებს ადამიანთა მოდგმას. იგი ჩემთვის უმთავრესი და უპირველესი გრძნობაა. არ მეგულება ადამიანი, რომელი-



საც უყვარს და ბედნიერი არ არის, მაგრამ დღეს ყველაფერი შეცვლილია. ძნელია ნამდვილი სიყვარულის და იმ ადამიანის პოვნა, რომელიც მთელი არსებით შეგიყვარებს უანგაროდ. ადამიანებს შეეც-

ვალათ აზროვნება, სიყვარულმა ფასი დაკარგა, მაგრამ მიუხედავად ყველაფრისა, მე მაინც მჯერა, რომ თუ ადამიანები მოინდომებენ ყოველთვის შეძლებენ იპოვონ სიყვარული, რომელიც მათ შეცვლის უკეთესობისკენ. სიმართლე გითხრათ, ხშირად მაკვირვებს ისეთი ადამიანები, რომელთაც ხშირად უყვარდებოდა იმაში, თუ რას შეიძლება ნიშნავდეს სიყვარული. არც მათ გაკრიტიკებას ვაპირებ, რადგან ყველა თავისებურად გამოხატავს ყოველივეს. თუმცა ყოველთვის შემიძლია ვთქვა, თან ხამადლა, რომ თუ ნამდვილად გიყვარს, უბრალოდ შეუძლებელია გიყვარდე მხოლოდ დღეს, ხვალ ან რამდენიმე თვით. ეს მუდმივი უნდა იყოს და არასოდეს სრულდებოდეს ყოველგვარი წინააღმდეგობის მიუხედავად.“

ბისო ჩხიკვაძე — ბათუმის საზღვაო აკადემიის 1-ლი კურსის სტუდენტი:

„ჩემი აზრით, სიყვარულისთვის ერთი გამორჩეული დღე არ უნდა იყოს. ვფიქრობ, ყოველი დღე სიყვარულისაა და როცა ვინმე მიყვარს, ღიად გამოვხატავ. ბედნიერი ვარ,



სულ სხვაგვარი ხედავ მაქვს ყველაფრისადმი და სულაც არ მახსოვს დრო, თარიღი. მით უმეტეს, ამ გრძნობის რაღაც ფარგლებში „მოქცევა“ და მისი წყალობით ვინმესთან ერთად მოღვინა. აკვიატებულ იდეასავითაა დღეს აზრი სიყვარულის გაუფასურების შესახებ. პირიქით, ყოველ დროში და დღესაც სიყვარულს ღირსეული ადგილი უჭირავს ყოველი საღად მოაზროვნე ადამიანის გულში და მჯერა, რომ ასე იქნება მუდამ“.

ნათია ჯაბანიძე — ბათუმის შოთა რუსთაველის სახელმწიფო უნივერსიტეტის სოციალურ მეცნიერებათა ფაკულტეტის მე-2 კურსის სტუდენტი:

ნათია მსახაძე — ბათუმის შოთა რუსთაველის სახელმწიფო უნივერსიტეტის სოციალურ მეცნიერებათა ფაკულტეტის მე-4 კურსის სტუდენტი:



„ჩემთვის სიყვარული ძალიან სპეციალური და წმინდა გრძნობაა. მიმაჩნია, რომ ადამიანს როცა შეუყვარდება, ეს მისთვის პირველი და უკანასკნელი უნდა იყოს. 15 აპრილს ალბათ იმიტომ აღინიშნება, რომ სწორედ ამ დღეს დგება ნამდვილი გაზაფხული და სიყვარულიც ხომ სიცოცხლესთან და ყოველივე სასიამოვნოსთან ასოცირდება. ახა გაზაფხულზე გადით ბუნებაში უმღერის თავის სატრფოს და რამდენი შეყვარებული წყვილი შესცქერის ერთმანეთს სიყვარულით აღსავსე თვალებით... ამ დროს ყველაფერი იღვიძებს. სიყვარული ხომ გაზაფხულივით ლამაზი და გასაფრთხილებელია. სიყვარულს არ აქვს ასაკი, რადგან ის ასაკზე ამაღლებულია“.

მაგდა ქარცივაძე — ბათუმის შოთა რუსთაველის სახელმწიფო უნივერსიტეტის სოციალურ მეცნიერებათა ფაკულტეტის მე-4 კურსის სტუდენტი:



„თანამედროვე შეყვარებულები უფრო თავისუფლები არიან. თუ პარალელს გავაკლებთ ძველ დროსთან, დავინახავთ რომ ისინი უფრო თამამები არიან და არც ისე ტრადიციულები, როგორც ადრე იყვნენ, თუმცა ადრინდელთან შედარებით მეტად პროგრესულნი. გაქვს თავისუფალი ნება საკუთარ არჩევანში, მაგრამ ამას აქვს რაღაც უარყოფითიც. ძნელია, თანამედროვეობაში გულწრფელი გრძნობის, სიყვარულის პოვნა“.

თაინა ჯაბანიძე — ბათუმის შოთა რუსთაველის სახელმწიფო უნივერსიტეტის სოციალურ მეცნიერებათა ფაკულტეტის მე-4 კურსის სტუდენტი:



„სიყვარული ჩემთვის ყველაზე ძლიერი გრძნობაა, მისით იწყება ცხოვრების ანიც და ჰოცე. ვინც ამ გრძნობის განცდის გარეშე წავა ამ ქვეყნიდან, ე.ი. მას არც უცხოვრობა, რადგან სიყვარული ღმერთთან თავად. ის იმდენად მნიშვნელოვანია ჩემთვის, რომ მინდა

ზე, გართობაზე. ის რაც ადრე სიყვარულის ახსნის საშუალებად ითვლებოდა, დღეს ამგვარი რაღაცეები ხუმრობის საგანი ხდება. ყველას განსხვავებულად ესმის ეს გრძნობა. ერთი კი დანმდვილებით ვიცი, რომ იმას, რასაც დღეს სიყვარულს ეძახიან, რეალურად შეყვარებულის ყოლის სურვილია, რადგან დღეს მოდადაა ქცეული, რომ თუ გყავს შეყვარებული, ესე იგი „მაგარი“ ხარ. რაც შეეხება 15 აპრილს, ეს დღე იმიტომ უყვართ, რომ საჩუქრებს ელოდებიან, მაგრამ ავიწყდებათ, რომ აქ მხოლოდ ქალ-ვაჟური სიყვარული არ იგულისხმება და ყველა ვალდებულია, ერთმანეთის მიმართ იყოს სიყვარულით განწყობილი“.

თაინა მიძელაძე — ბათუმის შოთა რუსთაველის სახელმწიფო უნივერსიტეტის სოციალურ მეცნიერებათა ფაკულტეტის მე-4 კურსის სტუდენტი:

„სიყვარულს სჭირდება გაფრთხილება და მალვა. დღეს კი „მიჯნურებში ხვევის, კოცნის და მტლამა-



მტლუშის გარდა ვერაფერს დაინახავ, რაც, ჩემი აზრით, უმსგავსოა და ყოველად მიუღებელია“.

თაინა მიძელაძე — ბათუმის შოთა რუსთაველის სახელმწიფო უნივერსიტეტის სოციალურ მეცნიერებათა ფაკულტეტის მე-4 კურსის სტუდენტი:



„სიყვარული ჩემთვის ყველაზე ძლიერი გრძნობაა, მისით იწყება ცხოვრების ანიც და ჰოცე. ვინც ამ გრძნობის განცდის გარეშე წავა ამ ქვეყნიდან, ე.ი. მას არც უცხოვრობა, რადგან სიყვარული ღმერთთან თავად. ის იმდენად მნიშვნელოვანია ჩემთვის, რომ მინდა

ყველაზე მალე მთაზე ავიდო და ვიყვირო: გიყვარდეთ ხალხნი ერთმანეთი“.

ნინო ჭურჭვიანიძე — ბათუმის შოთა რუსთაველის სახელმწიფო უნივერსიტეტის სოციალურ მეცნიერებათა ფაკულტეტის მე-4 კურსის სტუდენტი:



„აქვს თუ არა სიყვარულს ასაკი? ეგ კითხვა ცოტა სხვა-ნაირად მესმის. 40 წლის ქალი და 20 წლის ბიჭი რომ გაგიყვადებიან და გადაირევიან, ამ შემთხვევაში უნდა ჰქონდეს. ყველას რომ თავისი ტოლი და სწორი ყავს, მაგ შემთხვევაში არა“.

თიკო პაპიძე — ბათუმის შოთა რუსთაველის სახელმწიფო უნივერსიტეტის სოციალურ მეცნიერებათა ფაკულტეტის მე-4 კურსის სტუდენტი:

„ვფიქრობ, სიყვარულს ასაკი აქვს. ყოველ ასაკში სიყვარულს სხვადასხვანაირად განიცდი. როცა თინეჯერი ხარ, გიყვარს თავდავიწყებით, შეგიძლია ჩაიღინო ბევრი სიგიჟე. ასაკის მატებასთან ერთად სიყვარულშიც დინჯდები და თავშეკავებული ხდები“.



ამრიგად, ასეთია ახალგაზრდების შეხედულებები. როგორც დავინახეთ, ძირითადად პესიმისტური განწყობა ჭარბობს, მაგრამ ყველა ერთ ქვაბში არ მოიხარშება, არ უნდა დაგვავიწყდეს ისიც, რომ არსებობს გულწრფელი, ქემპარტი სიყვარული, რომელიც რა თქმა უნდა, არც ანგარებაზეა აგებული და არც საჩუქრებზე. იგი სიცოცხლის ბოლომდე მტკიცეა. არსებობს გამოთქმა: „დედამიწას სიყვარული ატრიალებს“, რომ არა ის, ცხოვრებაც ერთფეროვანი, მოსაწყენი იქნებოდა. დღეს კი ცხოვრებას აქვს ხალისი, რაც სიყვარულის წყალობა და დამსახურებაა.

ნათია მახარაძე
ნათია ტარიელაძე



წარმატებული ნაბიჯი თქვენი მომავლისთვის

პატივცემულ აბიტურიენტაო!

ყოველი ადამიანის ცხოვრება განსაზღვრულ ეტაპებს მოიცავს. ასაკობრივი ზრდის მიხედვით თქვენ თქვენი ცხოვრების იმ საწყის ეტაპზე იმყოფებით, როდესაც მეტად მნიშვნელოვანი და საპასუხისმგებლო გადაწყვეტილება უნდა მიიღოთ, რომელიც დაკავშირებულია პროფესიის არჩევასთან. პროფესიის არჩევანი რთული საკითხია. სწორად არჩეული პროფესია და ამ პროფესიის დაუფლება რეიტინგულ უნივერსიტეტში თქვენი სამომავლო ცხოვრების წარმატების გასაღებია. ანტიკური ხანის ფილოსოფოსს უთქვამს, რომ კარგი დასწყისი ნახევარია საქმისაო. ამიტომაც, ჩვენ შევეცდებით თქვენი ცხოვრების ამ მეტად საპასუხისმგებლო ეტაპზე პროფესიის არჩევასთან დაკავშირებული გადაწყვეტილების მიღებაში დაგეხმაროთ.

ბათუმის შოთა რუსთაველის სახელმწიფო უნივერსიტეტს სასწავლო და სამეცნიერო კვლევის საქმიანობის 80 წლიანი გამოცდილება გააჩნია. გამოცდილება, როგორც სოციალური ფენომენი მნიშვნელოვანი ფაქტორია იმისათვის, რომ

უნივერსიტეტმა სწორი ორიენტაცია გააკეთოს საზოგადოებისა და სახელმწიფოს მოთხოვნებზე. შესაფერის აბიტურიენტებს მაღალი ხარისხის განათლება და მისცეს პროფესიის ფართო არჩევანი. ჩვენი უნივერსიტეტი იყო და დღესაც რჩება განათლების სფეროში ერთ-ერთ ფლაგმანად. მას ზოგადად ქვეყნის და განსაკუთრებით სამხრეთ-დასავლეთ საქართველოს განათლების, კულტურული აღორძინებისა და ეკონომიკურ-პოლიტიკურ წინსვლის საქმეში დიდი წვლილი მიუძღვის.

უნივერსიტეტში აქტიურ და წარმატებულ სასწავლო და სამეცნიერო-კვლევით საქმიანობას ახორციელებს სოციალურ მეცნიერებათა, ბიზნესისა და სამართალმცოდნეობის ფაკულტეტი. ეს ფაკულტეტი თავისი მასშტაბებით ყველაზე დიდია და იგი 1800-მდე სტუდენტს აერთიანებს. ფაკულტეტი მაღალი რეიტინგით და მოთხოვნადობით გამოირჩევა, რასაც განაპირობებს საგანმანათლებლო პროგრამები, რომელიც ამ ფაკულტეტზე ხორციელდება და ასევე, ლექტორ-მასწავლებელთა პროფესიონალიზმი, მათი დაუღალავი

შრომა და ფიქრი წარსულზე და მომავალზე.

სოციალურ მეცნიერებათა, ბიზნესისა და სამართალმცოდნეობის ფაკულტეტზე ამჟამად ფუნქციონირებს 9 საბაკალავრო, 4 სამაგისტრო და 3 სადოქტორო პროგრამა. პატივცემულ აბიტურიენტებო, ბაკალავრიატის საფეხურზე განაცხადის გაკეთებისას, მომავალი წარმატებისათვის საკმაოდ თავბრუდამხვევი და მეტად სარფიანი არჩევანი გელოდებათ. თქვენ შეგიძლიათ ისწავლოთ სამართალმცოდნეობის, ფინანსების, მენეჯმენტის, საბუღალტრო და საგადასახადო საქმის, მარკეტინგის, ეკონომიკის, საერთაშორისო ურთიერთობის, ევროპისმცოდნეობის და ფსიქოლოგიის საბაკალავრო საგანმანათლებლო პროგრამაზე. კვლევების საფუძველზე დადგინდა, რომ ჩვენი ფაკულტეტის კურსდამთავრებულთაგან უკვე 4-5 წლის შემდეგ დასაქმების პროცენტი 80 %-მდე მერყეობს, ამასთან ხშირ შემთხვევაში დასაქმება არის ძალიან კარგი ანაზღაურებით. ჩამოთვლილი საბაკალავრო პროგრამები საკმაოდ მაღალი რეიტინგის პირობებში კომპლექტდება. მაგალითად, სამართალ-

მცოდნეობის საგანმანათლებლო პროგრამაზე ბოლო ორი წელია პირველი ადგილის განაცხადით ერთ ადგილზე მოდის 5,6 სტუდენტი, ფინანსებზე -3,3 სტუდენტი, ფსიქოლოგიაზე 3,8- სტუდენტი და ა. შ.

საგანგებოდ უნდა აღინიშნოს, რომ სამართალმცოდნეობის საგანმანათლებლო პროგრამა აბიტურიენტთა პირველ ადგილიანი განაცხადების მიხედვით ბათუმის უნივერსიტეტის მასშტაბით პირველ ადგილს იკავებს და ის ამ რეიტინგში ტოლს არ უდებს საქართველოს მონიწივე უნივერსიტეტებს, მათ შორის თბილისის ივ. ჯავახიშვილის სახელობის უნივერსიტეტსაც კი.

ფაკულტეტი სწავლების პროცესში აკადემიური განათლების გარდა დიდ ყურადღებას უთმობს პრაქტიკული უნარ-ჩვევების შექმნას სტუდენტებისათვის. ამ მიზნით ფაკულტეტზე ფუნქციონირებს სასამართლო საიმტიაციო დარბაზი, იურიდიული კლინიკა, ფსიქოლოგიის ლაბორატორია, კომპიუტერული კლასი, იგეგმება და მალე გაიხსნება კრიმინალისტიკის კაბინეტი, ბიზნეს ადმინისტრირების კონსალტინ-

გური ცენტრი. ფაკულტეტის ცხოვრებაში აქტიურ მონაწილეობას იღებენ სტუდენტები, რომლებიც ხშირად ჩართულნი არიან კვლევით, კულტურულ, დასაქმების, ინტელექტუალურ, შემოქმედებით თუ სპორტულ ღონისძიებებში.

ფაკულტეტი მაქსიმალურად ცდილობს შეინარჩუნოს ძველი ტრადიციები და ამასთან, უპასუხოს იმ ურთულეს გამოწვევებს, რომელიც ცივილური საზოგადოების სწრაფი განვითარებისა და გლობალიზაციის ურთულესი პროცესით არის განპირობებული. განათლებული საზოგადოება არის მყარი გარანტი მშვიდობის შენარჩუნების, დემოკრატიის, ჰუმანურობის და სამართლიანობის პრინციპების განუხრელი გატარებისათვის. იმისათვის, რომ იყოთ წარმატებული და გაითავისოთ ეს მეტად მნიშვნელოვანი ღირებულებები, რომელიც განათლების გარეშე მიუღწეველია, ამ განათლების საუკეთესო არჩევანი ნამდვილად არის ბათუმის შოთა რუსთაველის სახელმწიფო უნივერსიტეტი და მისი ერთ-ერთი ფაკულტეტი - სოციალურ-მეცნიერებათა, ბიზნესისა და სამართალმცოდნეობის სახით, ამიტომ გელოდებით!

განათლების ფაქტობრივი წარმატებულთა ქვაყანა - წარმატებული ოჯახი - წარმატებული სკოლა

ტრადიციული „დამგროვებელი“ განათლება „პრობლემის დასმის“ განათლებით შეიცვალა.

ბედნიერი ანუ სრულფასოვანი და ნაყოფიერი ცხოვრებისათვის ადამიანს სჭირდება არა მარტო დამოუკიდებელი ნაბიჯების გადადგმა, არამედ მის მიერ არჩეულ სფეროში დაოსტატება, საკუთარ თავში პატიოსნების, ერთგულების, სიმამაცისა და სამართლიანი განსჯის უნარის გამოუმუშავებისა კენ სწრაფვა.

- განათლება ცოდნის მიღებისა და უნარ-ჩვევების ჩამოყალიბების შედეგია;
- აღზრდა პროცესების მიზანდასახული ფორმირება;
- პედაგოგის მოვალეობაა სწავლება-სწავლის პროცესის ორგანიზება და მასში მოსწავლის აქტიური ჩართვა.

მასწავლებლები:

- დემოკრატიული საზოგადოებისათვის საჭირო, აქტიური სამოქალაქო ცნობიერების მქონე პიროვნების ჩამოყალიბება;
- გონებაგახსნილი მამულიშვილების აღზრდა;
- მზადყოფნა მრავალგვარი პასუხისმგებლობისათვის;
- აქტიური მდგომარეობა;
- გარემომცველი სამყაროს გარკვეული ხედვა;
- უწყვეტი თვითგანათლების სურვილი.

დაწყებითი სკოლა - პიროვნების ჩამოყალიბებისათვის მნიშვნელოვანი საფეხურია. მასწავლებელი ამ დროს თიხის მკეთებელ მეთუნედ მოიაზრება. სწორედ მასზეა დამოკიდებული, როგორ გაიზრდება მოსწავლე: გულქვა, უგულო, მრისხანე, ბოროტი, როგორც უხეში ქოთანის თუ იბრწყინებს, როგორც ხელმარჯვე ოსტატის მიერ გამოძიქრნილი კოსტა სურა.

ქმირფასო აბიტურიენტაო,

დადგა დღე, როცა თქვენ უმნიშვნელოვანესი გადაწყვეტილება უნდა მიიღოთ. მომავალი პროფესიის სწორად არჩევა თქვენი წარმატებული ცხოვრების საწინდარია. არჩევანის გაკეთება რთულია, რადგან საქართველოს უმაღლესი სასწავლებლები საგანმანათლებლო პროგრამების მრავალფეროვნებით გამოირჩევიან. ამ მხრივ არც ბათუმის შოთა რუსთაველის სახელმწიფო უნივერსიტეტი გამონაკლისი.

განათლების ფაკულტეტი ახორციელებს დაწყებითი განათლების, სპორტის, მასწავლებლის მომზადების საბაკალავრო საგანმანათლებლო პროგრამებს, განათლების ადმინისტრირების, უმაღლესი განათლების მენეჯმენტის და საბაზო და საშუალო სკოლის საგნის/საგანთა ჯგუფის მასწავლებლის სამაგისტრო საგანმანათლებლო პროგრამებს, აგრეთვე, განათლების სადოქტორო პროგრამას.

ბათუმის შოთა რუსთაველის სახელმწიფო უნივერსიტეტი ერთადერთი რეგიონული უნივერსიტეტი, რომელიც დაფუძნებულია პედაგოგიური ინსტიტუტის ბაზაზე და აქვს 80 წლიანი გამოცდილება. ამ და სხვა მრავალი მიზეზიდან გამომდინარე, ბუნაქარი უნივერსიტეტის მასშტაბით ერთ-ერთი მოთხოვნადი უნივერსიტეტი.

მხოლოდ ბოლო წლის მონაცემებით რომ ვიმსჯელოთ, 2013 წლის ერთიან ეროვნულ გამოცდებში მონაწილეობის მისაღებად დაწყებითი განათლების სპეციალობაზე გამოცხადებულ 60 ადგილზე სულ დარეგისტრირდა 1410 აბიტურიენტი, მათ შორის პირველადი არჩევანი გააკეთა 122 აბიტურიენტი. სპეციალობის ისტორიას თუ გადავხედავთ, ფაქტობრივად არც ერთ პერიოდში არ დაფიქსირებულა ვაკანსია გამოცხადებულ ადგილებზე.

გასათვალისწინებელია ის ფაქტიც, რომ მიმდინარე წლისგან განსხვავებით, 2013 წელს აღნიშნული სპეციალობა ჩვენს უნივერსიტეტში არ ფინანსდებოდა სახელმწიფოს მიერ. 2013 წლიდან ბუნაქარი ამოქმედდა განათლების სადოქტორო საგანმანათლებლო პროგრამა, რის შედეგადაც დაწყებითი განათლების სპეციალობაზე 2014 წლიდან სწავლა უფასო იქნება.

თუ თვალს გადავავლებთ ბუნაქარის კურსდამთავრებულთა დასაქმების ბოლო წლების მაჩვენებლებს, შეიძლება ითქვას, რომ დაწყებითი კლასების მასწავლებლის პროფესია ერთ-ერთი ყველაზე მოთხოვნადი შრომის რეგიონულ ბაზარზე. გასათვალისწინებელია ისიც, რომ ჩვენი კურსდამთავრებულები დასაქმებულნი არიან არა მხოლოდ აჭარის, არამედ მთლიანად დასავლეთ საქართველოს მასშტაბით, რასაც ხელს უწყობს საჯარო და კერძო სკოლებთან უნივერსიტეტის აქტიური თანამშრომლობა და პედაგოგიური პრაქტიკის მნიშვნელოვანი წილი საგანმანათლებლო პროგრამაში.

XIX საუკუნის მეორე ნახევრის დიდი პოლიტიკური მოღვაწე, გერმანიის იმპერიის პირველი კანცლერი ოტო ფონ ბისმარკი ამბობდა: „ომს იგებს არა მხედართმთავარი, არამედ სკოლის მასწავლებელი“. გენიალური პოლიტიკოსი არ გულისხმობდა პირდაპირი მნიშვნელობით საომარ მოქმედებებს. თუკი ჩვენ სერიოზულად ჩაუფიქრდებით ჩვენს მომავალს, დავრწმუნდებით, რომ ცხოვრება ბრძოლა და იმისათვის, რომ თანამედროვე გლობალიზაციის ეპოქაში გავუძლიოთ ახალ გამოწვევებს, არ ჩამოვრჩეთ პროგრესს და ამასთან შევინარჩუნოთ ჩვენი თვითმყოფადობა, ბრძოლა გვესაჭიროება და ამ ბრძოლაში წამყვანი ძალა სკოლის პედაგოგებია. პედაგოგი კი უმაღლესმა სასწავლებელმა უნდა მოამზადოს.

გონივრული არჩევანი

ცხოვრებაში დგება პერიოდი, როცა არჩევანის წინაშე დგახარ, რაზეც არის შენი მომავალი დამოკიდებული. სწორედ არჩევანის წინაშე დავდები მაშინ, როცა ვირჩევდი პროფესიას. არჩევანი გავაკეთე დაწყებითი განათლებაზე, რადგან მასწავლებლობის სურვილი ჩემი პირადი ინიციატივისა და ჩემი პირველი მასწავლებლის სიყვარულით იყო განპირობებული. მინდა, რომ მე თვითონ აღვზარდო ბავშვები და გადავცე ცოდნა-გამოცდილება, რაც მე შევიძინე. ეს პროფესია იმდენად ძლიერი მხარეებით წარმომედგინა და არის კიდევ, რომ ჩვენი ქვეყნის მომავალი სწორედ ამ პროფესიაზეა დამოკიდებული.

ჩემი მოლოდინი პირველი კურსიდანვე გამართლდა. ველოდებოდი ბევრ მუშაობას, ახლის შესწავლას, სამეცნიერო კვლევებს. ველოდებოდი, რომ პროფესორები, ლექტორები სიახლეს შეიტანდნენ ჩემს ფიზიკურ, გონებრივ განვითარებაში და ფაქტი სახეზეა. დღეს მე ვარ მე-სამე კურსის სტუდენტი და ვგრძნობ, როგორ ვიზრდები ჩემი პროფე-



სიის შესწავლით. ვლტებულბ სხვადასხვა სამეცნიერო კონფერენციებში მონაწილეობას, რაც მიყალიბებს აზროვნებას, თემის წარმოჩენისა და პრეზენტაციის უნარებს, რაც მნიშვნელოვანია პედაგოგისათვის.

ბათუმის შოთა რუსთაველის სახელმწიფო უნივერსიტეტი მაძლევს იმის საშუალებას, რომ ვიყო პროფესიონალი, ასევე მაძლევს საშუალებას შევისწავლო სწავლების თანამედროვე მეთოდები, რაც განსხვავდება სკოლაში ადრე არსებული ტრადიციული სწავლებისაგან. უნივერსიტეტში მიღებული ცოდნა არ შემოიფარგლება თეორიით და მას პრაქტიკული განხორციელება ახლავს. დაწყებითი განათლების სტუდენტებს გვაქვს სხვადასხვა სკოლაში ღია გაკვეთილის ჩატარების საშუალება. მიღებული ცოდნა მომცემს იმის საშუალებას, რომ დავსაქმდე და ვიყო წარმატებული პედაგოგი წარმატებულ სკოლაში.

ჩემმა არჩევანმა ვთვლი, რომ საკმაოდ გაამართლა და მივალწვე დასახულ მიზნებსაც. ეს პროფესია მაძლევს საშუალებას ვიყო ხელოვანი, რომელსაც საკუთარი საქმის კეთება არასდროს მოწყინდება.

ილისო პოლქვაძე
დაწყებითი განათლების III კურსის სტუდენტი

ამაღი შალავა

სიბყვა თქველი

2014 წლის 14 აპრილს

კიდევ ერთი 14 აპრილი მოვიდა და კვლავ შევიკრიბეთ ქართული ენის დღის აღსანიშნავად...

წინასწარვე ვიტყვი, რომ ასეთი წიგნი „ერთი ხელის დაკვირვება“ არ იწერება, იგი ხანგრძლივ დაკვირვებასა და კომპეტენციას მოითხოვს...

„ქართულად ხსნილად უზნობდი!“ ავტორისაგან თანამედროვე ქართული სალიტერატურო ენის განვითარების ტენდენციებზე ხანგრძლივი დაკვირვების შედეგია...

პრობლემა ახალი არ არის. ისტორიის ყველა მონაკვეთზე ჩანს იგი და არა მარტო საქართველოში...

შევთანხმდეთ: ენის სინმინდებე ფიქრი მარადიული პრობლემაა, ყველა ეპოქა თავის პრობლემებს აყენებს...

მოდით, ამოვიდეთ ერთი ლინგვისტური დებულებიდან: ენა სამყაროს სურათია/ხატია ამ ენის მატარებელი ერის მიერ

შექმნილი. ქართული ენაც სამყაროს ხატია, ქართველი კაცის აღქმული სამყაროს ხატი...

საუბარი გავევიწყრებოდა. ჩვენი თაობაც აღმოჩნდა მუდმივი პრობლემის წინაშე...

სად ვეძიოთ პრობლემის მიზეზები? ვიტყვი, მიზეზი ბევრია, ბევრზე ბევრი. შევეხებით ზოგიერთ მათგანს:

სკოლა! ჯერ კიდევ აკაკი შანიძე აღნიშნავდა: „ზოგჯერ გაისმის ხმები, გრამატიკის სწავლება სკოლაში საჭირო არ არისო...“

„უცხო ენის მოძალება!“

„დღეს „საყველპურო“ ინგლისურის ცოდნა უფრო ფასობს, ვიდრე დარბაისლური ქართულისა“ — ეს გიორგი გოგოლაშვილია...

არავინ უარყოფს უცხო ენის/კულტურის ცოდნის საჭიროებას, მაგრამ ეს არ ნიშნავს ქართულის/მშობლიურის არცოდნას...

ქართული ენის ფუნქციონირება უკონტროლოდაა მიტოვებული ყველა დონეზე:

— გამომცემლობები სტამბავენ რედაქციულად დაუმუშავებელ წიგნებს, გაზეთის რედაქციები — სტატიებს/პუბლიცისტურ წერილებს...

ეს პრობლემაა და შეველას მოითხოვს. — ტელევიზიებსა და რადიოში „მოდური“ გახდა პრედაპირი ჩართვები...

მეორეცაა და მავანს კარგ ტონად მიაჩნია, თუ საუბარში უცხო სიტყვას, ტერმინს, განსაკუთრებით ინგლისურს გამოუჩვენებს...

ალარაფერს ვამბობ ზოგიერთი ჩვენი ჟურნალისტის ქართულ გამოთქმაზე. ჩემი მოსაზრებით არც აქ შეგანყენთ თავს, ბატონო ზურაბ ჭუმბურიძეს დავესხებები: „უსმენ ჩვენს ტელენამყვანებს და იშვიათი გამონაკლისის გარდა...“

აუტიზმის საერთაშორისო დღე

აუტიზმის საერთაშორისო დღესთან დაკავშირებით ბათუმის შოთა რუსთაველის სახელმწიფო უნივერსიტეტის სტუდენტური თვითმმართველობისა და სოციალურ მეცნიერებათა, ბიზნესისა და სამართალმცოდნეობის ფაკულტეტის წარმომადგენლებმა...



„ბიოტექნოლოგია - XXI საუკუნეში ქვეყნის განვითარების მაგისტრალური გზა“

საქართველოს მეცნიერებათა ეროვნული აკადემიის პრეზიდენტი, აკადემიკოსმა გიორგი კვესიტაძემ ბათუმის შოთა რუსთაველის სახელმწიფო უნივერსიტეტში საჯარო ლექცია წაიკითხა თემაზე: „ბიოტექნოლოგია - XXI საუკუნეში ქვეყნის განვითარების მაგისტრალური გზა“...





მოსაზრებები სისხლის სამართლის ხანონმდებლობაში არსებული ხარვეზებისა და პრობლემების გადაწყვეტასთან დაკავშირებით

გასულ წლებში, საქართველოს სისხლის სამართლის კანონმდებლობაში განხორციელებული ცვლილებები და რეფორმები უმეტესწილად უარყოფითი ტენდენციებით ხასიათდება. ქვეყანაში დეკლარირებული იქნა მკაცრი სისხლისსამართლებრივი პოლიტიკა. სისხლის სამართლის კანონმდებლობაში შეტანილმა არაერთმა საკანონმდებლო ცვლილებამ აგრესიული საკანონმდებლო ხასიათი მიიღო და ამკარად ეტყობოდა საკანონმდებლო დილეტანტიზმის ხელი.

კანონმდებელი ნაკლებად იყო დაინტერესებული კანონთა ჰარმონიზაციის – ჩვენი სისხლის სამართლის კანონმდებლობის უცხოურ კანონმდებლობასთან შესაბამისობაში მოყვანის საკითხით. ევროპელებიც ნაკლებად აქცევდნენ ყურადღებას, თუ რა კანონები იღებდნენ ჩვენთან. ამასთან, ბევრი საკანონმდებლო ცვლილება თუ შესწორება ბრმად, ამკარად უცხო ქვეყნის კანონმდებლობასთან მიბაძვით იყო გამოწვეული და ჩვენს კანონმდებლობაში მისი გადმოტანის დროს ნაკლებად იყო გათვალისწინებული ქართული სამართლებრივი რეალობა. ხშირად სისხლის სამართლის კოდექსში ცვლილებები შედიოდა კონკრეტულ პირზე, საქმეზე მოსარგებლად და იმდროინდელი ხელისუფლებისათვის ხელსაყრელი კონკრეტული ვითარების შესაბამისად.

ზოგადად, საკანონმდებლო ბაზა იცვლებოდა ისე, რომ ყოფილიყო ერთი კაცის, ერთი პიროვნების სამსახურში და რაც ყველაზე ცუდია ეს ცვლილებები ხდებოდა ადამიანის უფლებების დარღვევის ხარვეზი.

როგორც აღვნიშნეთ ზოგჯერ ეს ნორმები ამკარად აგრესიულ ხასიათს ატარებდა, რაც გარკვეულად გამოიმდინარებდა ცნობილი ე. წ. „წულუკიანი ტოლერანტობიდან“, რაც მაშინდელ ხელისუფალთა თითქმის ყოველდღიურ მოწოდებებში გაისმოდა.

არაადამიანურად გამკაცრდა სასჯელი, შემოიტანეს ქართული მენტალიტეტისათვის მიუღებელი ნორმები, განსაკუთრებით კი დანაშაულთა და განაჩენთა ერთობლიობის დროს სასჯელთა შეკრების წესი. ამავდროულად აბსოლუტურად დაბალი იყო სასამართლოს დამოუკიდებლობა, მკვეთრად გაიზარდა პატიმართა რაოდენობა.

სისხლის სამართლის კანონმდებლობაში ცვლილებების განხორციელების დროს კანონმდებლის, კონკრეტულად კი იმდროინდელი ხელისუფლების მიერ საერთოდ არ ყოფილა გათვალისწინებული ქართული საზოგადოების აზრი, მათი მოთხოვნა, ქვეყანაში არსებული რეალური სამართლებრივი მდგომარეობა და რაც მთავარია მათი მიღების დროს ამკარად იყო უგულბრუნდებული ამ დარგის მეცნიერების, პრაქტიკოსი იურისტების და საერთოდ პროფესიონალების აზრი და გამოცდილება.

პრაქტიკამ გვიჩვენა, რომ ხშირად ასეთი ნორმები ჩვენთან არ მუშაობს. მასზე არა მარტო პრაქტიკოსი, არამედ ამ დარგის თეორეტიკოსებმაც უჭირთ შეშობა. სამწუხაროა, რომ გასულ წლებში რა ნორმებიც იქნა მიღებული, ზოგჯერ იმის გამოყენებაც დამახინჯებული ფორმით ხდებოდა.

ზოგადად კანონი მარტივად უნდა იკითხებოდეს, ცხადი, გამჭვირვალე და ყველასათვის გასაგებუნდა იყოს, თუ რას ითხოვს მისი ნორმები. სამართლებრივ ნორმათა სრულყოფილების და მისი ვარგისიანობის საზომი არის იგრძნობა თუ არა რაიმე მართმსაჯულების სისტემაში სასიკეთოდ. რა თქმა უნდა, აღნიშნულზე მოქალაქეთა, მთლიანობაში საზოგადოების აზრია საჭირო, მაგრამ სამწუხაროდ, რეალურად ხალხი უკმაყოფილოა ამგვარი სამართლებრივი ნორმებით.

სისხლის სამართლის საკანონმდებლო საქმიანობის უარყოფითი ტენდენციებზე ამკარად მეტყველებს როგორც სისხლის და სისხლის საპროცესო კოდექსებში შეტანილი ცვლილებების შედეგად გამოძიებისა და სასამართლო ორგანოების საქმიანობაში არსებული მძიმე შედეგები, ასევე თვით საზოგადოების მხრიდან მის მიმართ გამოთქმული სამართლიანი შენიშვნები, ამ ორგანოების,

განსაკუთრებით კი სასამართლოს საქმიანობის მიმართ ამკარად უარყოფითი განწყობა. ამიტომ არის სამართალდამცავი ორგანოების მიმართ გაუთავებელი, მაგრამ სამართლიანი პრეტენზიები, უკმაყოფილება, საჩივრები არა მარტო ადგილობრივ, არამედ ევროპულ სასამართლოში.

ამგვარი საკანონმდებლო ცვლილებებით თუ როგორი მძიმე რეალობის წინაშე დადგა ქართული სისხლის სამართლის კანონმდებლობა და მთლიანად ქართული საზოგადოება, ამაში ქვემოთ მოყვანილი ზოგიერთი საკანონმდებლო ნორმების ცვლილებების და ჩვენს სინამდვილეში მისი განხორციელებით დამდგარი მძიმე შედეგების ანალიზით დაერწმუნებით.

განსაკუთრებით მიუღებელი იყო საკანონმდებლო თვალსაზრისით საქართველოს სისხლის სამართლის კოდექსის 59-ე მუხლში განხორციელებული ცვლილება, რომლის თანახმად დანაშაულთა და განაჩენთა ერთობლიობის დროს სასჯელის დანიშვნისას დანესდა მხოლოდ სასჯელთა შეკრების პრინციპი, ხოლო სასჯელის შთანთქმის პრინციპი საერთოდ გაქრა კანონმდებლობიდან. ამან კი ამ წლების განმავლობაში ათასობით დასჯილი პირთა მიმართ მკაცრი და არასამართლიანი, დამნაშავეს მიერ ჩადენილი დანაშაულის სიმძიმისა და დამნაშავეს პიროვნების ამკარად შეუსაბამო სასჯელების დანიშვნა გამოიწვია.

იმის გამო, რომ, ეს ნორმა გასული წლის 14 აპრილს სს კოდექსში განხორციელებული გონივრული და დროული შესწორებით შეიცვალა და კანონმდებელი ფაქტიურად ამ მუხლის თავდაპირველ ნორმას დაუბრუნდა, მის მიერ გამოწვეული მძიმე შედეგების და ზოგადად ამ ნორმის უარყოფითი მხარეების ვრცლად განხილვას აღარ შევუდგებით.

სს კოდექსის 71-ე მუხლი ითვალისწინებს პირის სისხლისსამართლებრივი პასუხისმგებლობისაგან გათავისუფლებას ხანდაზმულობის ვადის გასვლის გამო, რაც ძირითადად დამოკიდებულია დანაშაულის სიმძიმეზე. კერძოდ, ამავდროულად ნაწილობრივ დადგენილია, რომ პირი ხანდაზმულობის ვადის გასვლის გამო თავისუფლება სისხლის სამართლის პასუხისმგებლობიდან. ათი წელი მძიმე და ოცდახუთი წელი განსაკუთრებით მძიმე დანაშაულის ჩადენიდან.

2006 წლის 25 ივნისს ამ მუხლის პირველ ნაწილში შეტანილი ცვლილების მიხედვით, საქართველოს სისხლის სამართლის კოდექსის 332-ე-342¹ მუხლებით (სამოხელეო დანაშაული) გავალისწინებული დანაშაულისათვის, თუ ისინი არ მიეკუთვნება განსაკუთრებით მძიმე დანაშაულს, ხანდაზმულობის ვადის გასვლის გამო სისხლის სამართლის პასუხისმგებლობისაგან გათავისუფლებისათვის დანესდა 15 წელი.

ჩვენი აზრით გაუგებარია კანონმდებლის ამგვარი პოზიცია და ამკარად ჩანს ცვლილების უაზრობა. საინტერესოა, ამგვარი ცვლილების შეტანის დროს რა კრიტერიუმით ისარგებლა, მაშინ როცა სხვა კატეგორიის ნაკლებად მძიმე და მძიმე დანაშაულის ჩადენისათვის სისხლის სამართლის პასუხისმგებლობისაგან გათავისუფლებისათვის დანესდა 15 წელი.

საჭიროა სასწრაფოდ მოხდეს სს კოდექსის 71-ე მუხლში შესაბამისი ცვლილების შეტანა და ამ მკაცრი საკანონმდებლო ნორმის შეცვლა.

ვფიქრობ, ცვლილება უნდა შევიდეს ასევე სს კოდექსის 42-ე მუხლში და სასჯელის სახით აიკრძალოს ჯარიმის გამოყენება, თუ ის არ არის დამატებით სასჯელად სისხლის სამართლის კერძო ნაწილის შესაბამის მუხლში გათვალისწინებული.

მიზანშეწონილად მიგვაჩნია აგრეთვე გამასწორებელი სამუშაოს, როგორც სასჯელის სახის გაუქმება და მისი დროში განერილ ჯარიმად გარდაქმნა, რომელსაც

ბრალდებული გადაიხდის გარკვეული პერიოდის განმავლობაში.

რა თქმა უნდა, ძველი სისხლის სამართლის საპროცესო კოდექსი ხარვეზებით გამოირჩეოდა, რომელშიც გარკვეული ცვლილებები გაუაზრებლად შევიდა, ბევრი ნორმა გაუმართავი და არასრულყოფილი იყო, რაც შესაბამის გადაამუშავებას და ცვლილებებს საჭიროებდა, მაგრამ ამ კოდექსის ხარვეზები და ნაკლოვანებები არ იქნა გათვალისწინებული 2010 წელს ახალი სისხლის სამართლის საპროცესო კოდექსის მიღების დროს, რომელიც სწორედ კანონმდებელთა მხრიდან სისხლის სამართლის კანონმდებლობისადმი ზემოაღნიშნული დამოკიდებულების გამო აღმოჩნდა უფრო გაუმართავი, ზოგიერთი საპროცესო ნორმების კუთხით შეიძლება ითქვას უარესიც კი, რომელიც არის ევროპული და ანგლოსაქსური კანონმდებლობის გარკვეული ნაზავი. თუმცა, იმის თქმა, რომ ევროპულ ქვეყნებში და სხვაგანაც ასეთი კანონმდებლობა მოქმედებს, არ ნიშნავს იმას, რომ ის ჩვენთან მთლიანად მისაღებია. ფაქტიურად კოდექსი გააპარტახებული, განადგურებული და სამართლებრივად მოუწესრიგებელია.

ახალი სამართლებრივი ნორმის და განსაკუთრებით კოდექსის ღირსება მისი მოცულობის მუხლობრივ შემცირებაში კი არ უნდა გამოიხატებოდეს, არამედ ნორმები უნდა იყოს სამართლებრივად გამართული, სრულყოფილი და პრაქტიკულად გამოსაყენებელი, განსაკუთრებით როცა ეს ეხება სისხლის სამართლის საპროცესო კოდექსს.

1998 წლის 20 თებერვალს მიღებული საქართველოს სსს კოდექსის (დამოუკიდებელი საქართველოს პირველი სსს კოდექსი) 602-ე მუხლის მიხედვით განაჩენი თუ იგი არ გასაჩივრებულა, კანონიერ ძალაში შედიოდა სააპელაციო ან საკასაციო გასაჩივრების ვადის გასვლის შემდეგ, ხოლო სააპელაციო ან საკასაციო საჩივრის შეტანის შემთხვევაში, თუ განაჩენი არ გაუქმებულა, ის კანონიერ ძალაში შედიოდა ზემდგომი სასამართლოს განჩინების გამოტანის დღეს.

ამავდროულად მე-2 ნაწილის თანახმად კი განაჩენის აღსასრულებლად მიქცევა ხდებოდა მისი კანონიერ ძალაში შესვლის დღიდან არაუგვიანეს 7 დღე-ღამისა.

2006 წლის 28 აპრილს აღნიშნულ მუხლში შეტანილი ნაჩქარები და გაუაზრებელი ცვლილებების თანახმად პირველი ინსტანციის სასამართლოს განაჩენი (დადგენილება), სააპელაციო ინსტანციის სასამართლოს განაჩენი (განჩინება), ასევე საკასაციო ინსტანციის სასამართლოს განჩინება კანონიერ ძალაში შედიოდა და აღსასრულებლად მიექცეოდა სასამართლოს მიერ მისი მიღებისთანავე. ასევე, ამავდროულად ამოიღეს მე-2 ნაწილი, რომელიც აწესებდა განაჩენის აღსასრულებლად მიქცევის ვადებს.

აღნიშნულ მუხლში შეტანილი არამართებული ცვლილების პათოსი გაიზარდა ახალმა სსს კოდექსმა და 279-ე მუხლის მიხედვით განაჩენი კანონიერ ძალაში შედის და აღსასრულებლად მიქცევა სასამართლოს მიერ მისი საჯაროდ გამოცხადებისთანავე.

განაჩენის გამოქვეყნებისთანავე ძალაში შესვლა და აღსასრულებლად მიქცევა ადრე მოქმედ, პოსტსაბჭოთა პერიოდის სისხლის სამართლის საპროცესო კანონმდებლობაშიც კი არ იყო არასდროს გათვალისწინებული.

ამგვარი ნორმის შემოღების და მოქმედების შედეგია ის, რომ გასულ წლებში განაჩენის გამოტანისთანავე ხდებოდა ქონების ჩამორთმევა და შემდგომ სააპელაციო ინსტანციის მიერ, პირის გამართლების შემთხვევაშიც კი ფაქტიურად ჩამორთმეულ ქონებას ვეღარ იბრუნებდნენ, უფრო მართებული იქნება თუ ვიტყვი, რომ აღარ უბრუნებდნენ. ამისათვის საჭირო იყო ძალიან რთული სამართლებრივი პროცედურების გავლა, რადგან ხშირ შემთხვევაში ქონება რეალურად უკვე ჩამორთმეული და შეიძლება გაყიდულიც იყო.

ვფიქრობ, სსს კოდექსის 279-ე მუხლის

შინაარსი უნდა ჩამოყალიბდეს იმგვარად, რომ იგი განაჩენის ძალაში შესვლისა და აღსასრულებლად მიქცევის საკითხში დაუბრუნდეს ზემოაღნიშნულ, წინადადელი საპროცესო ნორმის მოთხოვნებს.

სისხლის სამართლის საპროცესო კანონმდებლობაში საპროცესო შეთანხმების ინსტიტუტის გამოჩენა თავიდანვე გარკვეულ სიახლედ ითვლებოდა, რომლის მიზანი იყო სწრაფი და ეფექტიანი მართმსაჯულების უზრუნველყოფა. მაგრამ, უკანასკნელ წლებში ამ ინსტიტუტისადმი დამოკიდებულებამ, მისი არსის არასწორმა გაგებამ, მისდამი არასამართლებრივმა მიდგომამ და პრაქტიკაში არასწორად გამოყენებამ საპროცესო შეთანხმების გარემო მრავალი შეკითხვა გააჩინა.

ჩვენს კანონმდებლობაში საპროცესო შეთანხმების შემოღება, როგორც ზემოთ აღინიშნა ძირითადად გამოწვეული იყო სწრაფი მართმსაჯულების განხორციელებისათვის, კერძოდ ბრალსა და სასჯელზე შეთანხმების საფუძველზე, სასამართლოს შეუძლია საქმის არსებითი განხილვის გარეშე გამოიტანოს განაჩენი. მაგრამ, გასულ წლებში მისმა გამოყენებამ ამკარად დამახინჯებული ფორმა მიიღო, თავისი არსით იგი სხვა მიზნებს ემსახურებოდა, ხშირად ხდებოდა ქონების უკანონოდ ჩამორთმევის, განადგურების და სხვა უკანონო მოქმედებების საფუძველი. ამიტომ, მიზანშეწონილად მიგვაჩნია საპროცესო შეთანხმების ინსტიტუტის შემდგომი სამართლებრივი სრულყოფა.

მოქმედი სსს კოდექსის მიხედვით პატიმრობა, როგორც აღკვეთის ღონისძიება გამოიყენება მხოლოდ მაშინ, თუ ეს ერთადერთი საშუალებაა, რათა თავიდან იქნას აცილებული ბრალდებულის მიმალვა, მის მიერ მართმსაჯულების განხორციელებისა და მტკიცებულებათა მოპოვებისათვის ხელის შეშლა და ახალი დანაშაულის ჩადენა.

ამასთან, მოქმედი საპროცესო კანონმდებლობის მიხედვით პირს, რომელსაც კონკრეტული დანაშაულის ფაქტზე აღკვეთის ღონისძიების სახით შეფარდებული აქვს პატიმრობა ან სხვა სახის ღონისძიება, სხვა ახალი დანაშაულის ფაქტზე წარდგენილ ბრალდებაზე სასამართლოს მიერ კვლავ უნდა შემუშავდეს ახალი აღკვეთის ღონისძიების შერჩევა.

ფაქტიურად, ბუნდოვანია სასამართლომ მეორეჯერ როგორ უნდა იმსჯელოს იმ პირის მიმართ პატიმრობის გამოყენების ზემოაღნიშნულ გარემოებებზე, მაშინ როცა ის უკვე პატიმარია და ვერ შეძლებს ვერც მიმალვას, ვერც მტკიცებულებათა მოპოვებისათვის ხელის შეშლას და შესაბამისად ახალი დანაშაულის ჩადენას.

ასევე, ხშირად ხდება როცა პირს ერთ დანაშაულზე აღკვეთის ღონისძიების სახით შეფარდებული აქვს პატიმრობა, ხოლო სხვა დანაშაულის ჩადენის გამო კი გირაო. აქაც იქმნება გარკვეული უხერხულობა, მარტივად რომ შეთქვათ, პირი რატომ გადაიხდის გირაოს, როცა ის იმედოდ პატიმარია. ასევე, ყოველ ახალ ბრალდებაზე ახალი აღკვეთის ღონისძიების გამოყენებისას საჭირო ხდება პირის თავიდან წარდგენა სასამართლოში და სხვა მოქმედებების ჩატარება.

ჩვენი აზრით, ამგვარ გაუგებრობას გარკვეულად იწვევს ის გარემოება, რომ გამოძიების სტადიაზე და სასამართლოში პრაქტიკულად არ იყენებენ სსს კოდექსის 109-ე მუხლით დადგენილ ნორმას სისხლის სამართლის საქმეთა გაერთიანების შესახებ, რომელიც შესაძლებლად მიიჩნევა როგორც ერთი ან რამდენიმე დანაშაულის ჩადენაში თანამონაწილე რამდენიმე პირის ბრალდების, ასევე რამდენიმე დანაშაულის ჩადენაში მონაწილე ერთი პირის ბრალდების ნებისმიერი, რამდენიმე სისხლის სამართლის საქმეების ერთ წარმოებად გაერთიანებას, მათი შინაარსის და სიმძიმის მიუხედავად, რაც ხდება პროკურორის მოტივირებული დადგენილებით ან პროკურორის შუამდგომლობით მოსამართლის (სასამართლოს) დადგენილებით (განჩინებით).

როგორც აღინიშნა ამგვარ, სისხლის სა-



მართლის საქმეთა გაერთიანების ფორმას საგამოძიებო და სასამართლო ორგანოები გარკვეული მოსაზრებების გამო პრაქტიკულად არ იყენებენ, თუმცა მისი გამოყენების შემთხვევაში, ახალი ბრალდების წარდგენისას აღარ იქნება საჭირო ახალი აღკვეთის ღონისძიების შერჩევა და შესაბამისად გამოირიცხება ყოველგვარი გაუგებრობაც ზოგადად აღკვეთის ღონისძიების თუ პატიმრობის გამოყენების საკითხის გადაწყვეტის დროს, ასევე აღარ მოხდება ერთი პირის მიმართ სხვადასხვა ბრალდების საქმეების რამდენიმე სხვადასხვა სასამართლოში ცალკე განხილვა.

ადრე მოქმედი სსს კოდექსის მიხედვით დაზარალებული იყო ბრალდების მხარე და სისხლის სამართალწარმოების ერთ-ერთი ძირითადი მონაწილე. ამასთან, ამავე კოდექსით დაზარალებულს გააჩნდა ფართო საპროცესო უფლება-მოვალეობანი.

ახალი სსს კოდექსით დაზარალებულის საპროცესო სტატუსი მნიშვნელოვნად დაკნინდა, დაზარალებული უკვე აღარ არის პროცესის აქტიური სუბიექტი და ფართო უფლებებით აღჭურვილი პროცესის დამოუკიდებელი მხარე, რის გამოც, ახალი სსს კოდექსი არ ითვალისწინებს დაზარალებულისათვის ისეთ მნიშვნელოვან ფუნქციას, როგორც არის გასაჩივრება. მას ენიჭება მხოლოდ მონაწილის ყველა უფლება და ეკისრება მისი ყველა მოვალეობა.

ფაქტიურად დაზარალებული უნდა გვევლინებოდეს არა პროცესის უფლებო ობიექტად, არამედ შესაბამისი საპროცესო შესაძლებლობებით აღჭურვილი პროცესის აქტიურ სუბიექტად, რომელიც პროცესზე და მის შედეგზე გარკვეულ ზეგავლენის მოხდენის გზით დაიცავდა კონსტიტუციით მინიჭებულ უფლებებს.

მაგრამ, კანონმდებელმა რეფორმის დროს საკმარისად არ გაითვალისწინა აღნიშნული მოთხოვნა. სამწუხაროდ, რეფორმირებულ სისხლის საპროცესო სამართალში დაზარალებული პროცესის „შიშველ ობიექტად“ არის წარმოდგენილი. მას არ გააჩნია საკმარისი პროცესუალური შესაძლებლობები პროცესზე და სასამართლოს გადაწყვეტილებაზე ზეგავლენის მოხდენის გზით მისთვის მინიჭებული უფლებების ჯეროვნად დასაცავად. გამოძიებისა და საქმის არსებითად სასამართლო განხილვის ეტაპზეც იგი პროცესის პასიური მონაწილეა.

სისხლის სამართლის პროცესში ამ უკანასკნელის უფლებამოსილება უნდა სცილდებოდეს მონაწილას, დაზარალებულს უნდა მიენიჭოს პროცესის აქტიური მონაწილის პროცესუალური შესაძლებლობები, როგორც წინასწარი გამოძიების, ისე საქმის სასამართლოში არსებითად განხილვის ეტაპზე.

გარდა ამისა, ნებისმიერ დაზარალებულს უნდა ჰქონდეს ლეგიტიმური ინტერესი და უფლება, მიიღოს ინფორმაცია გამოძიების დამთავრების შესახებ.

ახალი სსს კოდექსით ასევე ნაკლებად არის გათვალისწინებული დაზარალებულის ინტერესი დისკრეტიული დევნის პირობებში. მას კანონით სისხლისსამართლებრივი დევნის შესახებ პროკურორის მიერ მიღებული გადაწყვეტილების მხოლოდ ზემდგომ პროკურორთან გასაჩივრების უფლება გააჩნია.

აღსანიშნავია ისიც, რომ სასამართლოში არ საჩივრდება ასევე გამოძიების ან/და სისხლისსამართლებრივი დევნის შეწყვეტის გადაწყვეტილება. იგი შეიძლება ერთჯერადად გასაჩივროს მხოლოდ დაზარალებულმა, მხოლოდ ზემდგომ პროკურორთან.

როგორც ჩანს, პრაქტიკულად აღარ არსებობს როგორც დისკრეტიული უფლებამოსილების გამოყენებით სისხლისსამართლებრივი დევნის დაწყებაზე პროკურორის უარის, ასევე პროკურორის მიერ გამოძიების ან/და სისხლისსამართლებრივი დევნის შეწყვეტის გადაწყვეტილების სასამართლოში გასაჩივრების შესაძლებლობა. როგორც აღინიშნა, დაზარალებულს უფლება აქვს საჩივრით მიმართოს მხოლოდ ზემდგომ პროკურორს.

ამ მხრივ, ახალი სისხლის სამართლის საპროცესო კოდექსი, მნიშვნელოვნად აუარესებს დაზარალებულის უფლებრივ მდგომარეობას, რადგან ის მოკლებულია შესაძლებლობას - სასამართლო კონტროლის მეშვეობით შეძლოს საკუთარი უფლებების და თავისუფლებების დაცვა.

თუ გავითვალისწინებთ იმ სამწუხარო რეალობას, რომ დაზარალებული უკვე ახა-

ლი სისხლის სამართლის საპროცესო კოდექსით აღარ წარმოადგენს მხარეს და იგი უფლებრივად გაუთანასწორდა მონაწილეს, ძნელი არ იქნება შესაბამისი დასკვნის გაკეთება, რომ უფლებრივი დაცულობის საკითხი დაზარალებულს მნიშვნელოვნად შეუმცირდა.

დაზარალებულს კანონმდებელმა უნდა მისცეს პროკურატურის მიერ სისხლისსამართლებრივ დევნაზე უარის თქმის, გამოძიების ან/და დევნის შეწყვეტის შესახებ გადაწყვეტილების სასამართლოში გასაჩივრების უფლება, რის გამოც მიზანშეწონილად ვთვლით ამ კუთხით სსს კოდექსის 106-ე და 168-ე მუხლებში შევიდეს შესაბამისი ცვლილებები.

დაზარალებული, ანუ დანაშაულის მსხვერპლი სისხლის სამართლის პროცესში არა პროცესის ობიექტად, არამედ პროცესის აქტიურ სუბიექტად უნდა იყოს წარმოდგენილი. ამიტომ, საჭიროა კანონმდებელმა სისხლის სამართლის საპროცესო კოდექსში შეიტანოს შესაბამისი ცვლილებები დაზარალებულის საპროცესო სტატუსთან დაკავშირებით და პროცესში იგი აღიარებული იქნას, როგორც მხარე.

ისე როგორც ადრე მოქმედმა, ასევე უფრო მეტად ახალმა სსს კოდექსმა მნიშვნელოვნად შეასუსტა გამომძიებლის, როგორც სისხლის სამართალწარმოების ერთ-ერთი უმთავრესი ფიგურის საპროცესო სტატუსი, მთლიანობაში კი ზოგადად გამომძიებლის ინსტიტუტი. რეალურად საქმეზე გამომძიებელი ვერანაირ გადაწყვეტილებას ვერღებულს, მას არ გააჩნია ფართო უფლებამოსილება, იგი ფაქტიურად მხოლოდ პროკურორის მითითებულა და დავალებების შემსრულებლის როლში გვევლინება.

აქედან გამომდინარე, როცა გამომძიებელს არა აქვს სათანადო უფლებამოსილება, შესაბამისად საქმისადმი პასუხისმგებლობა საც ნაკლებად გრძნობს, რის გამოც გარკვეულად დაეცა მათი პროფესიონალიზმი.

საქართველოს სსს კოდექსის მე-3 მუხლის მე-6 ნაწილის მიხედვით ბრალდების მხარეს პროკურორთან ერთად წარმოადგენს გამომძიებელი. ვფიქრობთ, ეს არის ფორმალური ჩანაწერი, რადგან დისკრეტიული სისხლისსამართლებრივი დევნის ფუნქციას ფაქტიურად მხოლოდ პროკურორი ახორციელებს, რაც დადგენილია სისხლის სამართლის საპროცესო კანონმდებლობით.

ამიტომ, მიზანშეწონილად მიმაჩნია, რომ გამომძიებლის საპროცესო სტატუსს ჩამოცილდეს ბრალდების ფუნქცია და გამომძიებელი იყოს მიუკერძოებელი, ნეიტრალური თანამდებობის პირი, რომელსაც უნდა დაეკისროს მხოლოდ სისხლის სამართლის საქმის სრულყოფილი, ობიექტური გამოძიება. ამასთან, საჭიროა გამოძიებლის, როგორც სამართალწარმოების ერთ-ერთი მნიშვნელოვანი მონაწილის საპროცესო სტატუსისა და ფუნქციების გაფართოება, მისი საპროცესო დამოუკიდებლობის გაზრდა.

ადრე მოქმედი საქართველოს ორგანული კანონის „საერთო სასამართლოების შესახებ“ მე-13 მუხლის თანახმად რაიონული (საქალაქო) სასამართლო იქმნებოდა რაიონში, გარდა ქალაქის რაიონისა, ხოლო საქალაქო სასამართლო იქმნებოდა ქალაქში, რომელიც არ შედიოდა არცერთ რაიონში.

2009 წელის დეკემბერში „საერთო სასამართლოების შესახებ“ მიღებული ახალი ორგანული კანონის 27-ე მუხლის თანახმად შეიცვალა რაიონული და საქალაქო სასამართლოს შექმნის წესი და რაიონული სასამართლო იქმნება მუნიციპალიტეტში (მუნიციპალიტეტებში), ხოლო საქალაქო სასამართლო თვითმართველ ქალაქში. ამასთან, ამავე კანონის თანახმად საქალაქო სასამართლოს სამოქმედო ტერიტორია თვითმართველ ქალაქთან ერთად შეიძლება მოიცავდეს მუნიციპალიტეტსაც (მუნიციპალიტეტსაც).

აღნიშნული კანონის შემოღებისთანავე საქართველოს სინამდვილეში შეიქმნა ისეთი რაიონული და საქალაქო სასამართლოები, რომლებიც აერთიანებს რამდენიმე მუნიციპალიტეტს (რაიონს).

იმის მიუხედავად, რომ ზემოაღნიშნული კანონის თანახმად რაიონული (საქალაქო) სასამართლო შედგება არანაკლებ ორი მოსამართლისაგან, ხოლო მათ შემადგენლობაში შედის აგრეთვე მაგისტრი მოსამართლე, რომელიც თავის უფლებამოსილებას ახორციელებს რაიონული (საქალაქო) სასამართლოს სამოქმედო ტერიტორიაზე არსებულ ადმინისტრაციულ-ტერიტორიულ ერთეულში, მიზანშეწონილად მიმაჩნია ყველა მუ-

ნიციპალიტეტში აღდგეს რაიონული სასამართლო, სადაც უნდა იყოს არა მარტო მაგისტრი, არამედ სრულუფლებიანი მოსამართლე, რომელიც ადგილზე, ცალკეულ მუნიციპალიტეტში შექმნილ რაიონულ სასამართლოში განიხილავს ყველა კატეგორიის საქმეებს.

ამის დასასაბუთებლად არაერთი არგუმენტის მოყვანა შეიძლება.

ამჟამად მოქმედი აღნიშნული საკანონმდებლო ნორმის მიხედვით ცალკეულ მუნიციპალიტეტში (რაიონში) ჩადენილ დანაშაულთა ფაქტზე გამოძიებული სისხლის სამართლის თითქმის ყველა კატეგორიის საქმე, გარკვეული გამოწვევისა, ქვემდებარებით განსახილველად ეგზავნება რაიონულ სასამართლოს, რომელიც აერთიანებს რამდენიმე მუნიციპალიტეტს (რაიონს), რის გამოც სამართალწარმოებაში მონაწილე მხარეებს ყოველი კონკრეტული საქმის სასამართლო განხილვის დროს უხდებათ იმ რაიონში ჩასვლა, სადაც მოქმედებს რაიონული თუ საქალაქო სასამართლო, რომელიც მასში შემავალი მუნიციპალიტეტის სოფლებიდან ასეული კოლომეტრით არის დაშორებული, რაც გარკვეულ დროსთან, ტრანსპორტირებასა და დიდ ხარჯებთან არის დაკავშირებული, რისი საშუალებაც მოსახლეობის დიდ უმრავლესობას არ გააჩნია.

ამ მიზეზით მხარეები ხშირად ვერ ცხადდებიან სასამართლოში, რაც საქმეთა სასამართლო განხილვის გაჭიანურებას იწვევს, ხელს უშლის საქმის სასამართლო წარმოებას, მართმსაჯულების სწორ და ეფექტურ განხორციელებას. თუნდაც, აღნიშნული ფაქტიც მონაწილეს იმ გარემოებაზე, რომ ყველა მუნიციპალიტეტში (რაიონში) და ქალაქში უნდა იყოს შესაბამისი სასამართლო.

ზემოაღნიშნულ, ზოგიერთ საკანონმდებლო ცვლილებათა მოკლე ანალიზიც ცხადყოფს, რომ საჭიროა გარკვეული ფორმით სისხლის სამართლის ზოგიერთი ნორმის ლიბერალიზაცია.

სამართლიანობა მოითხოვს აღინიშნოს, რომ 2012 წლის საპარლამენტო არჩევნების შემდეგ ახალმა ხელისუფლებამ და საქართველოს პარლამენტმა დაიწყო ფართო საკანონმდებლო საქმიანობა, სვლა აგრესიული საკანონმდებლო დილეტანტიზმიდან ნორმალურ საკანონმდებლო საქმიანობისაკენ, რაც კონკრეტულად სამართლიან და ობიექტურ საკანონმდებლო ცვლილებებში აისახა, მაგრამ საკანონმდებლო ორგანოს ყურადღება უნდა მივაპყრო იმ გარემოებაზე, რომ სამწუხაროდ პრაქტიკულად ძირითადად მაინც ადრე მიღებული სამართლის ნორმები მუშაობს და სამართალწარმოება იმავსე კანონმდებლობით ხორციელდება, ამასთან ხარვეზები სისხლის სამართლის კანონმდებლობაში რადიკალურად არ იცვლება, არ ხდება მათი განხილვა და შეცვლა დაჩქარებული ტემპით.

რა თქმა უნდა, კარგია, რომ კანონმდებლობაში ჯერ კიდევ არსებული ხარვეზების და ზოგადად საკანონმდებლო ცვლილებების შესახებ აქტიურობას იჩენენ არასამთავრობო ორგანიზაციები, რომლებიც ინიციატივებს და არაერთ საკანონმდებლო ცვლილების პროექტებს სთავაზობენ საქართველოს პარლამენტს, მაგრამ პირველ რიგში ამგვარი კანონპროექტები უნდა განიხილოს ამ დარგის თეორეტიკოსებმა და შესაბამისი რჩევა მისცენ ასეთ ორგანოს.

ისიც უნდა აღინიშნოს, რომ როცა მუშაობა მიდის საკანონმდებლო საკითხებზე, რაზედაც მრავალი კომისია თუ ჯგუფი იქმნება, როგორც ცენტრში, ისე რეგიონებში, მასში იშვიათად იწვევენ თეორეტიკოს და პრაქტიკოს იურისტებს ან, თუ იწვევენ მხოლოდ ისეთ პირებს, ვისაც შესაბამისი გამოცდილება არა აქვს, ამასთან მთავარია არა მართლმონაწილეობა, არამედ მათი აზრის გათვალისწინება.

იმედია, ამგვარი და სხვა ნორმები, რომლებზეც დღეს არ გვქონია მსჯელობა, თანდათანობით გაუქმდება, შეიცვლება და მოვა სრულ შესაბამისობაში სისხლის სამართლის კანონმდებლობასთან.

მნიშვნელოვანია საკითხი ქვეყანაში სამართლიანობის აღდგენის შესახებ. დამნაშავე პირთა წარსული საქმეების გამოძიება, მათი სწორად განხილვა პირდაპირ უკავშირდება საქართველოში სამართლიანობის აღდგენას, კანონის უზენაესობისა და დემოკრატიულ ინსტიტუტებზე დაფუძნებული სახელმწიფოს მშენებლობას.

ზოგადად ქვეყანაში სამართლიანობა მხოლოდ მას შემდეგ იზრდება, როცა ყველა

დამნაშავე კანონის წინაშე პასუხს აგებს. სწორედ ამის შემდეგ შეიძლება საქართველო შედგეს, როგორც სამართლებრივი სახელმწიფო.

საქართველოში უკანასკნელ წლებში სამართლიანობის კუთხით განვითარებული მახინჯი მოვლენების შემდეგ ხალხი სწორად მოითხოვს სამართლიანობის აღდგენას და წინა რეჟიმის კონკრეტული დამნაშავე ჩინოვნიკების დასჯას. რაც უფრო დიდხანს გაჭიანურდება სამართლიანობის აღდგენა, ხალხი სამართლიანად ეჭვობს და ფიქრობს ხელისუფლება ხომ არ აპირებს უამრავ დანაშაულში შენიშნული პირებისათვის ხელის დაფარებას.

სწორედ ხელისუფლების მხრიდან დამნაშავეთა მიმართ შემრიგებლური დამოკიდებულებით, წარსულის დანაშაულთა დავინყებისა და გამოუძიებლობით, დამნაშავე პირთა დაუსჯელობით გატანჯულ და თავმოებურებულ საზოგადოებას აშკარა შიში და პროტესტი გაუჩნდა, რაც ლოკურია იმ ქმედებისა, რასაც თავად ხელისუფლება იჩენს.

უკანასკნელ პერიოდში საქართველოში არაერთი პირია სამართლებრივად რეაბილიტირებული, ასეულობით პირია ცნობილი პოლიტიკურ პატიმრად, მაგრამ რატომღაც ჭიანჭურდება სამართლიანობის აღდგენა და თუნდაც უკანონოდ ჩამორთმეული ქონების დაბრუნება.

რა თქმა უნდა ყველაფერი ერთბაშად ვერ გადაწყდება, მაგრამ ვფიქრობთ საჭიროა პროცესის დაჩქარება, ყველა ამგვარი საქმეების გადახედვა, კონკრეტულ უფლებადარღვეულ პირთა საჩივრების განხილვა.

სამართლიანობის აღდგენა რთული პროცესია, მაგრამ სახელმწიფოს რაც არ უნდა დაუჯდეს, სამართლიანობა უნდა აღდგეს. ქვეყანაში არ უნდა შეიქმნას იმის პრეცედენტი, რომ შეიძლება დანაშაული ჩაიდინო და ამის გამო არ დაისაჯო. საზოგადოებას ამგვარი აზრი არ უნდა ჩამოუყალიბდეს.

ვფიქრობ, ქვეყანა ცუდ შედეგებამდგომია, თუ არ აღდგა სამართლიანობა. ამასთან, ეს უნდა მოხდეს ისე, რომ არ დაირღვეს უდანაშაულობის პრეზუმფცია. ამ პრინციპის დაცვა არის აუცილებელი. წარსულში არსებული პრეცედენტები, უდანაშაულო ადამიანის დასჯის, სასტიკი და არაადამიანური მოპყრობის, გაუპატიურების, წამების, ღირსების, დამცირებისა და სხვა დანაშაულის შესახებ ახალმა ხელისუფლებამ აღარ უნდა გაიმეოროს.

აღნიშნული პრობლემების მოგვარების ერთ-ერთი აუცილებელი პირობაა საკადრო საკითხების სწორი და სამართლიანი გადაწყვეტა. თუმცა, სამართლიანობა მოითხოვს აღინიშნოს, რომ ამ კუთხით საქართველოში სამართალდამცავ უწყებებში და სასამართლო ხელისუფლებაში რადიკალურად თითქმის არაფერი შეცვლილა. ადრე არასამართლიანი გადაწყვეტილებების მიმღები პირები დღესაც მუშაობენ ამ სტრუქტურებში და გადაწყვეტილება კვლავ ისინი იღებენ. როცა ადამიანი ხდება, რომ მის ბედს იგივე პირი წყვეტს, რა რწმენაზეა ლაპარაკი. სწორედ ამიტომ გაჩნდა საზოგადოებაში ნიჰილიზმი და უნდობლობა.

უნდა აღინიშნოს, რომ ძირითადი კორპუსი, ვინც მართმსაჯულებას ახორციელებს თითქმის იგივეა. ძირეული ცვლილებები არც ამ სისტემაში მომხდარა.

რა თქმა უნდა, ძნელია ყველაფრის ერთბაშად შეცვლა, რადგან სამართალდამცავ და მართმსაჯულების სფეროში დასაქმებული პირი, რომელიც გადაწყვეტილებას იღებდა დაკვეთით, მიკერძოებულად, ძნელი წარმოსადგენია, რომ ის უცებ გარდაიქმნას და მიიღოს სამართლიანი გადაწყვეტილება. თუმცა, მათგან ხშირად იმის თვის მართლება, რომ ისეთი რეჟიმი იყო და რა უნდა ექნათ, მაგრამ ასეთი მიდგომა არასწორია. ამ კატეგორიის კადრების საქმიანობა უფრო სახიფათოა, რადგან როგორც კი შეიცვლება სიტუაცია, ისინიც იმგვარად იმოქმედებენ.

ვფიქრობ, საჭიროა სამართალდამცავ ორგანოებში სწორი საკადრო პოლიტიკის გატარება, პროფესიონალთა დასაქმება, მათი ცოდნისა და გამოცდილების გამოყენება.

აღნიშნული საკითხების გადაწყვეტაში მნიშვნელოვანია აგრეთვე საზოგადოების აქტიურობაც, რათა ხელისუფლებამაც აქტიურად იმოქმედოს.



თეოლოგიის აქტუალობისათვის

თეოლოგია ბერძნული სიტყვაა და ქართულად ითარგმნება, როგორც ღვთისმეტყველება. იგი უძველესი მეცნიერებაა. სახელდობრ, მისი იწყება პირველი ევროპული უნივერსიტეტები. ზოგიერთ თეოლოგიურ ფაკულტეტს ევროპაში თითქმის 1000 წელი შეუსრულდა. ყველაზე ავტორიტეტულ უნივერსიტეტებში თეოლოგია წამყვანი დისციპლინაა. თანამედროვე თეოლოგია მძლავრი საგანმანათლებლო მიმართულებაა, იგი სპეციალობათა და მეცნიერებათა კომპლექსია. მასში შედის ისეთი მეცნიერებები, როგორებიცაა: ბიბლიისტიკა, ისტორიული ლიტურგიკა, ეკლესიის ისტორია, საეკლესიო არქეოლოგია, საეკლესიო ხელოვნება, პატროლოგია, რელიგიო-ათა ისტორიები, რიგი ფსიქოლოგიური დისციპლინები: ქრისტიანული ეთიკა, რელიგიური ფილოსოფია, კანონიკური სამართალი და სხვა. ყველა ეს დისციპლინა წარმოდგენილია დასავლური განათლების სისტემაში და ევროპული ჰუმანიტარული კულტურის განუყოფელი ნაწილია. მეტოდოლოგიური თვალსაზრისით იგი ჩვეულებრივი ჰუმანიტარული დისციპლინაა. აქვე უნდა ითქვას, რომ თეოლოგიის სიღრმისეული ცოდნის გარეშე სხვა ჰუმანიტარული დისციპლინები ერთგვარად ნაკლებივანია. მაგ. შეუძლებელია ღირებული გამოკვლევა დაინეროს რუსთაველზე, დანტეზე, შექსპირზე, დოსტოვესკიზე, ჩესტერტონზე და ა.შ. ქრისტიანობის არსის ცოდნის გარეშე, ან ხელოვნება შევისწავლოთ ფრესკული ფერწერისა და ხატწერის იგნორირებით, რომ არაფერი ვთქვათ ფილოსოფიაზე, განსაკუთრებით მის თანამედროვე მიმართულებებზე, ფსიქოლოგიაზე და ა. შ.

სწორედ ამიტომ, თეოლოგია, როგორც ცალკე აღებული გამსხვილებული სპეციალობების ჯგუფი, შედის ძირითადად საგანმანათლებლო საერთაშორისო კლასიფიკატორებში. განათლების საერთაშორისო სტანდარტულ კლასიფიკაციაში (გსკ-2011), რომელიც მიიღო იუნესკოს 36-ე სესიამ, მკაფიოდ იქნა გამოყოფილი „რელიგია და თეოლოგია“ - „ფილოსოფიისა და ეთიკისაგან“. აშშ-ს ნაციონალური საგანმანათლებლო ცენტრის სტატისტიკაში (NCES), საგანმანათლებლო პროგრამების კლასიფიკატორი (CIP 2010) გამოყოფს ფილოსოფიურ-რელიგიურ მიმართულებიდან ჯგუფს - „თეოლოგია და რელიგიური მსახურება“ (Theology and Religious Vocation) და შეიცავს შემდეგ სპეციალობებს: ბიბლიისტიკა, მისიოლოგია, რელიგიური განათლება, რელიგიური მუსიკა, მოძღვრობა და სპეციალიზებული მსახურება.

დასავლეთ ევროპისა და ამერიკის ყველა წამყვან საერო უნივერსიტეტში არის თეოლოგიის ფაკულტეტები და თეოლოგია შეისწავლება როგორც ცალკე სამეცნიერო დისციპლინათა ჯგუფი. ამასთან, სწავლებას შეიძლება ჰქონდეს როგორც კონფესიური, ისე არაკონფესიური ხასიათი. მაგ. ოქსფორდის უნივერსიტეტში თეოლოგიური ფაკულტეტი არაკონფესიურია, თუმცა უნივერსიტეტში არის კოლეჯები და სამეცნიერო ცენტრები, რომლებიც ეკუთვნით ანგლიკანებს, კათოლიკეებს, მართლმადიდებლებს და სხვა კონფესიათა წარმომადგენლებს.

ისტორიულ დისკურსში თეოლოგია არის ანტიკური ტერმინი. ძველი ბერძენი თეოლოგს უწოდებდნენ ადამიანს, რომელიც ასწავლიდა „ღმერთებზე“ (არისტოტელე, პლატონი). ქრისტიანულ სარწმუნოებაში თეოლოგია გაიგება, როგორც სიტყვა (logos) ღმერთისა (Qeos) მასზე, ანუ თავის თავსა და მის მიერ შექმნილ სამყაროზე. ამ შემთხვევაში თეოლოგია თავისი შინაარსით საღვთო გამოცხადების იდენტურია. მეორე, უფრო გავრცელებული მნიშვნელობით იგი არის-ეკლესიის ან რომელიმე ცალკეული ღვთისმეტყველის მოძღვრება ღმერთის შესახებ. არსობრივად ამგვარი სწავლება გვევლინება, როგორც დამონებება ამა თუ იმ ავტორის მიერ საღვთო გამოცხადების გააზრებისა. პირველ ქრისტი-

ან თეოლოგებთან, ანუ აპოლოგეტებთან, თეოლოგია გაიგება როგორც მოძღვრება სამების შესახებ, ხოლო დანარჩენი ნაწილი სჯულისა (სამყაროს შექმნა, ღვთის სიტყვის განკაცება, ხსნა, მეორედ მოსვლა და ა.შ) მიეკუთვნებოდა საღვთო აღმშენებლობას ანუ საღვთო იკონომიის (oikonomia, ბერძ. სახლის მმართველობის ხელოვნება) სფეროს, რაც ნიშნავს საღვთო ქმედებას სამყაროში, მის განგებას უქმნელი ენერგიებით, სამყაროს ხსნას. დღეს თანამედროვე საეკლესიო თეოლოგიად მოიაზრება რელიგიურ მეცნიერებათა ერთობლიობა, რომელთა შორის განასხვავებენ - ძირითადად, შედარებით, ზნეობრივს, სამოძღვროს, ლიტურგიკულს, მაგრამ საკუთრივ თეოლოგიად იწოდება დოგმატური, ანუ დოქტრინალური.

ადრეულ და შუა საუკუნეებში ეკლესიის თეოლოგ მამათა შორის გამოიყო სამი ადამიანი, რომელთაც ტიტულის რანგში მიენიჭათ თეოლოგის წოდება. პირველი არის იოანე მოციქული, ავტორი მეოთხე სახარებისა, რომელმაც საფუძველი ჩაუყარა (დოკუმენტურად გააფორმა) მოძღვრებას სამებაზე და გვევლინება იმ რგოლად, რომელიც აკავშირებს საღვთო გამოცხადებას წმ. მამათამიერ თეოლოგიასთან. მეორეა წმ. გრიგოლ ნაზიანზელი-თეოლოგი, რომელმაც დაიცვა დოქტრინა სამებაზე ცხარე ტრინიტარული დისკუსიებში IV ს-ში და ბოლოს სვიმეონ ახალი ღვთისმეტყველი (თეოლოგი) X-XI სს მოღვაწე, რომელმაც პირადი გამოცდილების საფუძველზე ენკონა შეასხა თავის „ღვთისმეტყველებში“ ადამიანის შეერთებას სამება-ღმერთთან, ანუ „თეოზისის“ პრობლემის გასაღები მისცა კაცობრიობას.

პირველად სიტყვა „თეოლოგია“ ქრისტიანულ ლექსიკაში შემოიტანა II ს. II ნახევრის აპოლოგეტმა ათენაგორა ათენელმა, თუმცა ქრისტიანულ ლექსიკონში იგი შედარებით გვიან დაამკვიდრა ძირითადად ალექსანდრიული საღვთისმეტყველო სკოლის წყალობით, მისი წარმომადგენლების-კლიმენტე ალექსანდრიელისა და განსაკუთრებით, ორიგენის მეშვეობით. ძველი თეოლოგია, რომლებიც იყენებდნენ ამ ტერმინს, ხშირად იმ აზრს დებდნენ მასში, რაც მნიშვნელოვნად განსხვავდება იმისგან, როგორადაც ის გვესმის ჩვენ დღეს. მაგ. ევგარე პონტიოელი (IVს) წერდა: „თუ შენ თეოლოგი ხარ, ჭეშმარიტად ილოკობ, და თუ ჭეშმარიტად ლოცულობ-ხარ თეოლოგი“. თეოლოგია მათთან სულიერი მჭვრეტელობის 8 ხარისხს შორის უმაღლესია, იგი ესპატოლოგიური მომავლის რეალობაა, რომელიც ადამიანს უფლებას ანიჭებს გამოვიდეს სულიერად საკუთარი თავიდან და მიეცეს აღტაცებას. ეს არის ერთგვარი აპოფატური ზედასვლა ადამიანური სულისა მისტიური თვალსაზრისით. „თეოზისის განცდა“, უმაღლეს რეალობასთან კავშირი, რა თქმა უნდა, არ გამოირჩევა თეოლოგიის, როგორც მოძღვრების სისტემურ გადმოცემას ვერბალურად, ანუ სამეცნიერო დონეზე, რადგან ადამიანური გონების, შემეცნების გამოყენება აუცილებელია. გონება ღვთის ნაბოძებია და მისი უარყოფა არ შეიძლება, მაგრამ ასეთი გაგება იყო მეორეული. უპირველეს ყოვლისა, თეოლოგია გაიგებოდა როგორც ღვთის ხილვა, რომელიც გულისხმობდა არა მხოლოდ ადამიანური გონების მუშაობას, არამედ ადამიანური პიროვნების სრულ მონანილობას, როცა უნდა ჩაირთოს ინტიუიტიური სულიერი მიღწევის შესაძლებლობანი, ის, რაც პატროლოგიის ენაზე იწოდება ბერძნული სიტყვით- noys (გონება) და მასში მონანილობს გული (kardia), ბიბლიური და არა ანატომიური მნიშვნელობით. ეკლესიის მამებთან „თეოლოგია“ (Theologia) პრაქტიკულად

სინონიმა სიტყვისა „თეორია“ (Theoria) - შემეცნება, რაც გულისხმობს უშუალო ურთიერთობას ცოცხალ შემოქმედთან, უწყვეტ კავშირს მასთან. თეოლოგთა გაგებით, ნამდვილი ღვთისმეტყველება უპირველესად გონით სანჯდომი სქემები და სახელმძღვანელოები კი არ არის მხოლოდ, არამედ ყოველთვის აპოფატურად მისტიურია და დოქსოლოგიური. თანამედროვე ბერძენი ფილოსოფოსი-ქრისტოს იანნარასი განაზოგადებს რა ეკლესიის მამების ისტორიულ გამოცდილებას, თეოლოგიის შესახებ წერს: „ეს არის ძღვენი ღვთისა, ნაყოფი შინაგანი სინმინდისა, ... იგი იგივეა ღვთის ხილვასთან, უშუალო ხილვასთან პიროვნული ღმერთისა, ქმნილების ფერიცვალებისა შეუქმნელი მადლით“. ბიბლიაში მოხსენებულია 4 ტერმინი, რომლებიც აჩვენებს თეოლოგიის შინაგან მონაცემებს, რომელთაც განზოგადებენ თეოლოგები: 1) charisma - ძღვენი, საბოძარი ღვთისა; 2) mysterion - საიდუმლონი;



Katharsis - განწმენდა; 4) hesychia - მყუდროება, მღუშობა. მაგრამ საეკლესიო პრაქტიკის გვერდით, ყოველივე ეს საეკლესიო თეოლოგიის კვლევის ერთეული ძირითადი საგანია, რომელიც გულისხმობს მის თეორიულ შესწავლას. ზემოთ აღნიშნული მეორეული გაგება, ანუ სკოლარული თეოლოგია ამ შემთხვევაში არის საუნივერსიტეტო სწავლების მიზანი.

ისტორიული მონაცემების კვლევასთან ერთად, თუ რა არის თეოლოგია, რამდენად მეცნიერულია იგი და რით განსხვავდება ფილოსოფიისაგან, წამოიჭრა თითქმის თანადროულად მისი მეცნიერებად ჩამოყალიბებისას (თანამედროვე გაგებით) და დაყოფად, როგორც დამოუკიდებელი საუნივერსიტეტო დისციპლინისა (თეოლოგიურ ფაკულტეტებზე). მიუხედავად ამ დაყოფისა, კავშირი თეოლოგიისა ფილოსოფიასთან და სხვა ჰუმანიტარულ საგნებთან შეუძლებელია უგულვებელყოფილ იქნას. ზემოთ აღნიშნული იყო, თუ რა როლს თამაშობს თეოლოგია და რა მნიშვნელობა აქვს მას ჰუმანიტარული მეცნიერებების განვითარებაში. დაუშვებტვტ, რომ ამის მაგალითად გამოდგება ის ფილოლოგიური მიღწევები, რომლებმაც შეიყვანა თეოლოგიური დისკურსი „ტექსტის კრიტიკის“ გაგებაში, ეგზისტენციალისტთა თხზულებები, რომელთაც გაკლენა მოახდინეს თავის მხრივ თანამედროვე ქრისტიანული ეგზეგეტიკის ფორმირებაში და სხვა. რაში მდგომარეობს თანამედროვე თეოლოგიური სამუშაოს სპეციფიკა? მეცნიერ თეოლოგს, განსხვავებით რელიგიო-ათმცოდნისაგან, სხვადასხვა თეოლოგიური ტექსტის აინტერპრეტის მშობლიურ საეკლესიო კონტექსტში, ასევე სისტემური ანალიზი და მისი ურთიერთობა სხვა სისტემებთან: სახელმწიფოსთან, რელიგიებთან, ხელოვნებასთან და მეცნიერებასთან. თეოლოგია შეიძლება გაიგებო-

დეს ასევე, როგორც თვითრეფერენტული სისტემა სოციალური კომუნიკაციისა. მსოფლიოს წამყვან საერო უნივერსიტეტებში შეისწავლება ისეთი საგნები, როგორცაა -თეოლოგიური ეკონომიკა, სამართალი და ა.შ. თეოლოგიური სისტემა ხასიათდება შემდეგი პრობლემებით: 1) ცენტრალური პრობლემა; 2) მისი გადაწყვეტის პროგრამები; 3) სოციალური ფუნქციები.

ცენტრალური პრობლემა არის რწმენის ფენომენი. რწმენა განეკუთვნება ადამიანის ფუნდამენტურ შესაძლებლობებს, რომელიც საერთოა ადამიანური რასებისათვის ყველა ისტორიულ ეპოქაში. თუმცა, განსხვავებით ბუნებრივი ხასიათის შესაძლებლობებისაგან, რწმენა ეძლევა ადამიანს როგორც შესაძლებულ ურთიერთობას მასთან. განმდეს ან არ განმდეს-ეს არის ის საკითხი, რომელიც ყველა კონკრეტულ შემთხვევაში ითხოვს განსაზღვრებას. ეს კი ადვილი სულაც არ არის. რწმენის ფენომენი ეს არ არის „დამტიციებული ვარაუდი“, რაც ხშირად იწოდება თანამედროვე ეპოქაში „რწმენად“. რწმენის საკითხი ძალზე ფართოა. ადამიანური მოღვაწეობის ნებისმიერ სფეროში არსებობს ინფორმაციის ნაკლებობა და აქედან გამომდინარე აუცილებლობა გადაწყვეტილების მიღებისა შიშო-თეზიდან, რომელიც მეტ-ნაკლებად მისაღები ვარაუდებია. მიუხედავად ამისა, რწმენის აქტის აუცილებელ პირობად გვევლინება რეალობის პოზიტიური შემეცნება, მისი ჩათვლა შესაძლებლად, აუცილებლად, ყველაზე ხშირად ლოკუკურად აუხსნელად და ა.შ. ადამიანი იძულებულია ერწმუნოს ამა თუ იმ ვარაუდს რეალობაზე, რომელიც მას არ შეუძლია შეამოწმოს ახლა და ამწუთას. რელიგია სთავაზობს მას ამ შემომწმებას დროში. რწმენა ყოველთვის რისკია და ხშირად ცხოვრებისეული აუცილებლობაცაა. იმ საკითხის გადასაწყვეტად, ვის და რას შეიძლება ერწმუნოს ადამიანი, თეოლოგია ამუშავებს თავის საკუთარ ინტელექტუალურ ინსტრუმენტალებს. ესაა მისი მოქმედების პროგრამა. ამგვარი თეოლოგიური სამუშაო რამდენადმე გამოყოფს თეოლოგიას როგორც რელიგიისაგან, ისე ფილოლოგიისაგან, თუმცა ბევრ რელიგიურ და ფილოსოფიურ სისტემაში დომინირებს თეოლოგიური ხასიათის მტკიცებულებანი.

- 1) სისტემატური თეოლოგია:
 - ა) ტრიადოლოგია - სწავლება ყოველდღე. სამებაზე;
 - ბ) ანგელოლოგია - სწავლება ანგელოზებზე;
 - გ) ანთროპოლოგია - სწავლება ადამიანზე;
 - დ) ქრისტოლოგია - სწავლება ქრისტეს ორი ბუნების შესახებ;

- ე) სოტერიოლოგია - სწავლება ხსნის, ანუ გადარჩენის გზების შესახებ;
 - ვ) ეკლესიოლოგია - სწავლება ეკლესიაზე;
 - ზ) იკონოლოგია - სწავლება ხატების შესახებ;
 - თ) საკრამენტოლოგია-სწავლება საიდუმლოთა შესახებ;
 - ი) ესპატოლოგია-სწავლება სამყაროს მომავალზე და მის ბედზე;
 - 2) დოგმატური ღვთისმეტყველება - სწავლება სარწმუნოების დოქტრინებზე;
 - 3)ძირითადი ღვთისმეტყველება (აპოლოგეტიკა)-სარწმუნოების დასაბუთება რაციონალური საშუალებებით;
 - 4) შედარებითი ღვთისმეტყველება-კომპარატიული ანალიზი ბაზისური სარწმუნოებისა სხვა რელიგიებთან შედარებით;
 - 5)სამოძღვრო ღვთისმეტყველება;
 - 6) ლიტურგიკული თეოლოგია-ღვთისმსახურების თეორია და პრაქტიკა;
 - 7)ჰომილეტიკა-საეკლესიო მჭვერეტყველების თეორია და პრაქტიკა;
 - 8) კატეხეტიკა-თეოლოგიის შესავალი, სარწმუნოების პირველსაწყისები;
 - 9)კანონიკა-საეკლესიო სამართლის თეორია;
 - 10) თეოლოგიური ეკონომიკა;
 - 11)ზნეობრივი ღვთისმეტყველება.
 - 12) ბიბლიური თეოლოგია:
 - ა) ეგზეგეტიკა-ბიბლიურ ტექსტთა ინტერპრეტაცია;
 - ბ) ჰერმენევტიკა-რელიგიურ წყაროთა განმარტების თეორია და მეთოდოლოგია;
 - გ) ისაგოკიკა.
 - 13) ისტორიული თეოლოგია:
 - ა)ბიბლიური არქეოლოგია;
 - ბ)ბიბლიური ისტორია;
 - გ) ეკლესიის ისტორია;
 - დ) ბიზანტინოლოგია;
 - ე) ადგილობრივ ეკლესიათა ისტორია.
 - ვ) საქართველოს ეკლესიის ისტორია.
- საუნივერსიტეტო თეოლოგიურ დისციპლინებში შეიძლება რამდენიმე მომიჯნავე დარგი გაერთიანდეს და სალექციო კურსი შედგეს. რას მოგვეცემს ჩვენს საუნივერსიტეტო სივრცეში, თუნდაც მაინორის სახით, თეოლოგიის შემოტანა: სტუდენტი დაუფლება თეოლოგიურ ცოდნას და ჩამოყალიბდება სპეციალისტად. ობიექტური ინფორმაციის საფუძველზე ექნება ტოლერანტული პოზიცია განსხვავებული შეხედულების, ტრადიციებისა და კულტურის მიმართ. შეისწავლის ბიბლიურ წიგნთა შინაარსს, მათი ჩამოყალიბების ისტორიას, ისტორიულ და კულტურულ კონტექსტს. გააცნობიერებს თეოლოგიურ საზრისს. ეცოდინება ეკლესიის ისტორია, მისი ძირითადი მოძღვრება, გაიარებს საეკლესიო ხელოვნების, ლიტურგიკული ტრადიციების, საეკლესიო კულტურის, საკრამენტული ცხოვრების არსს. ისწავლის თეოლოგიურ და ფილოსოფიურ მოდელთა გაცნობიერებას. ერთმანეთს შეადარებს სხვადასხვა რელიგიური სისტემისა და რწმენის ფორმათა განვითარების პროცესს. ამ საფუძველზე მიღებული ცოდნით შეძლებს სხვადასხვა რელიგიის წარმომადგენლებთან კომუნიკაციას. შეიძენს რელიგიით, რწმენითა და თეოლოგიით დაინტერესებული ადამიანებისათვის თეოლოგიური ცოდნის გადაცემის უნარს. ზოგადად კი შეიძლება ითქვას, რომ თეოლოგიური ცოდნა ამარცხებს აგრესიულ რელიგიურ ექსტრემიზმს.


შოთა ჯიჟიავილი,
ფილოლოგიის დოქტორი,
ბესუ-ს ჰუმანიტარული
მეცნიერებათა ფაკულტეტის
დეკანის მოადგილე



ლიკაშინის რა გარე სემპლი

ზაფხულის უმთავრო ღამეში ყველა ალტაცე-ბით შევყურებთ ვარსკვლავებით მოჭედულ ცას, ასევე შევყურებდა მას ძველი ადამიანი და განც-ვიფრებული იყო ვარსკვლავთა სიმრავლით, მათი დათვლა შეუძლებლად მიაჩნდათ. მართლაც, ძა-ლიან ძნელია, რადგან ცა მთლიანი არასოდეს დაი-ნახება დგომის ერთი წერტილიდან და თან მინა ბრუნავს თავისი ღერძისა და მზის გარშემო, რაც აძინებებს ვარსკვლავების დათვლას.

ასტრონომებმა ცა დაანაწილეს ცალკეულ ნაკვეთებად, თითოეულ ნაკვეთში ვარსკვლავები საკმაოდ ზუსტად დაითვალეს. ამგვარად გამოირ-



კვა, რომ ჩრდილო ნახევარსფეროში დაახლოებით 1500 ვარსკვლავია, ამდენივე სამხრეთში, სულ კი 3000. ამაზე ხომ უთვალავი არ ითქმის, პირიქით, ძლიერ მცირე რიცხია.

ეს შეუიარაღებელი თვალითაც მისაწვდომი ვარსკვლავთა რაოდენობაა. მას შემდეგ, რაც XVII საუკუნეში დურბინი, ხოლო შემდეგ ტელესკოპი გამოვიგონეს, მდგომარეობა ერთიანად შეიცვალა, ტელესკოპით დანახულ ვარსკვ-ლავთა რაოდენობა, მართლაც, უსასრულო აღმოჩნდა. თანაც მათი რიცხვი დღითიდღე იზრდება იმის მიხედვით, თუ როგორ მატუ-ლობს ოპტიკური იარაღების ძალა.


საგულისხმოა ის ფაქტი, რომ ეს უთვალა-ვი ვარსკვლავები უნესრიგოდ როდი არიან ერ-თმანეთში არეული. ვარსკვლავთა სამყაროს კანონზომიერი სტრუქტურა აქვს და მეტად თუ ნაკლებად, მონესრიგებული სისტემების-გან შედგება. კერძოდ, ძველი დროიდანვე ცნობილია, რომ ვარსკვლავებიან ცას კიდდან კიდმდე გადაუყვება საკმაოდ ფართო ზოლი, რომელიც უფრო ნათელი ჩანს ვიდრე დანარ-ჩენი ცა. მას რძეულ სარბიელს (ლათ. ვია ლაც-ტეალ) უწოდებენ, რადგან მისი ფერი რძისას მოგ-ვაცონებს. მინიერი დამკვირვებლისთვის რძეული სარბიელი- ეს არის გალაქტიკის ეკვატორული ზოლის ლანდი ცაზე. იგი დაკავშირებულია ვარსკ-ვლავთა კანონზომიერ დაჯგუფებასთან ანუ სის-ტემასთან, რომელშიც 100 მილიარდამდე ვარსკვ-ლავი შედის. ჯგუფის განლაგება რომ შემოფარგ-ლოთ ლინზისებურ სხეულს მივიღებთ, ამ ჯგუფს გალაქტიკას უწოდებენ, ხოლო შუა სიბრტყეს, რო-

ლობებს (ბურბებს) უწოდებენ. გასულ საუკუნე-ში გაირკვა, რომ ეს არის გალაქტიკები. ასეთი გა-ლაქტიკების რიცხვსაც უკვე მილიონობით ანგა-რიშობენ.

ვარსკვლავები უზარმაზარი არიან, მაგრამ შე-უდარებლად უფრო დიდია სივრცე ვარსკვლავებს შორის. ასევე გალაქტიკა იმდენად დიდია ვარსკვ-ლავებზე, რომ მათი შედარებაც არ შეიძ-ლება, მაგრამ მრავალჯერ დიდია სივრ-ცე გალაქტიკებს შორის. ვარსკვლავთ-შორის და გალაქტიკათშორის სივრ-ცეში ნივთიერება უფრო გაიშვიათებუ-ლია, ვიდრე ხელოვნურად მიღებულ სა-უკეთესო ვაკუუმში, მაგრამ ეს მაინც არ არის აბსოლუტური სივრცე. იქ არის უკიდურესად გაიშვიათებული გაზები, კოსმოსური მტვერი და უმცირესი ნაწი-ლაკები. ვარსკვლავთშორისი და გალაქ-ტიკათშორისი სივრცის შეფარდებითი სიდიდე ისეთია, რომ ამ ნივთიერების სა-ერთო მასა ბევრით არ ჩამორჩება თვით ვარსკვლავებისას.

მზეც ერთ-ერთი ვარსკვლავია, ზო-მით საშუალო და ერთი მხრივ პატარაც. არის ისეთი ვარსკვლავები, რომლებიც მილიონ-ჯერ და მეტად უფრო დიდია, ვიდრე მზე.

მზე გალაქტიკაში შედის არა ცალკეულად, არამედ როგორც ციური სხეულების მცირე ჯგუ-ფის ცენტრი. ამ ჯგუფს მზის სისტემა ჰქვია. რომ-ლის შემადგენლობაში შედის არა მარტო მზე, არა-მედ პლანეტები (ცთომილები), ასტეროიდები, კო-



მეტები, მეტეორიტები და რალა თქმა უნდა, ვარს-კვლავთშორისი (ამ შემთხვევაში პლანეტადშორის-სი) ნივთიერებები.

მზეზე უკვე ცნობილია 66 ქიმიური ელემენტი. ეს ელემენტები მონაზეც მოიპოვება, მაგრამ მათ-გან განსაკუთრებული ადგილი უჭირავს წყალ-ბადს და ჰელიუმს. წყალბადი მთელი მზის მასის 54% შეადგენს, ჰელიუმი კი 45%-ს. ტემპერატურა მზის ზედაპირზე 6000°-ია, ხოლო ცენტრში 2 000 000°.



მელიც სიმეტრიულად ორად ჰყოფს გალაქტიკურ-სიბრტყე ანუ გალაქტიკის ეკვატორი ენობა. ცენტრიდან რომ ამ სიბრტყეზე პერპენდიკულარი გავატაროთ, ეს იქნება გალაქტიკის ღერძი.

გალაქტიკა იმდენად უზარმაზარია, შეიძლე-ბოდა კაცს ეფიქრა, რომ ეს არის მთელი სამყარო. ასეც ფიქრობდნენ ერთ დროს. იმავე დროს ცნო-ბილი იყო, რომ არის ცაზე უკიდურესად შორეული ბუნდოვანი ობიექტები, რომელნიც მართალია ანათებენ, მაგრამ შიგნით ცალკეული ვარსკვლავების ერთმანეთისგან გარჩევა ძნელია. მათ ნებუ-

ტებს, მეტ წილად, თან ახლავს თანამგ-ზავრები: მინას ერთი თანამგზავრი ჰყავს, იუპიტერს კი 12. ჩვეულებრივ თა-ნამგზავრები პლანეტებზე გაცილებით პატარები არიან, მაგრამ დედამიწის თა-ნამგზავრი უჩვეულოდ დიდია, ის მინაზე მხოლოდ ორჯერ პატარაა. მთვარე ბრუ-ნავს თავის ღერძზე და მიმოიქცევა მი-ნის გარშემო. მისი მოძრაობის პერიოდი 27 დღე-ღამე, 7 საათი, 43 წუთი და 11.5 წამია.

მინისა და მთვარის ორბიტები დაახ-ლოებით ერთ სიბრტყეშია. თუ მოხდა, რომ მთვარე მიმოიქცევისას მინასა და მზეს შორის მოექცევა, იგი მზეს დაფა-რავს მთლიანად ან ნაწილობრივ და მოხ-დება მზის დაბნელება, სრულად ან ნაწი-ლობრივ. თუ პირიქით, მინა მოექცევა მზესა და მთვარეს შორის, მინის ჩრდილი მთვარეზე დაეცე-მა და მთვარის დაბნელებას გამოიწვევს, სრულს ან ნაწილობრივს. მთვარის დაბნელება მხოლოდ სავე მთვარის პირობებში შეიძლება მოხდეს, ხო-ლო მზისა-ახალი მთვარის პერიოდში, რადგან პირველ შემთხვევაში მინა მდებარეობს მზესა და მთვარეს შუა, ხოლო მეორე შემთხვევაში მთვარეა მოქცეული მინასა და მზეს შუა.

პლანეტების გვერდით მზის სისტემაში შეიმჩ-ნევა ბევრად უფრო პატარა სხეულები, რომელ-თაც ასტეროიდებს ან პლანეტოიდებს უწოდებენ. ისინი მზის გარშემო მიმოიქცევიან პლანეტები-ვით, მაგრამ მათი ორბიტები უფრო წაგრძელებუ-ლი. სხვა პლანეტებისგან მათ უფრო, კუთხე-დი ფორმაც განასხვავებს, რაც მათი მცირე ზომით აიხსნება. დღეისათვის 1600-ზე მეტი ასტეროიდი ცნობილი, მაგრამ ვარაუდობენ, რომ მათი რაოდენობა 30 000-მდე აღწევს, ყველაზე დიდი ასტეროიდის ცერერის დიამ-ეტრი კი -770 კმ-ს.

ყოველთვის დიდ ყურადღებას იპყრობდ-ნენ კომეტები, ანუ კუდიანი ვარსკვლავები. კომეტა შედგება თავისგან და ერთი ან რამ-დენიმე კუდიისგან. მანათობელი თავი შეიცავს მყარ ბირთვს და გაზის, მტვრის ან გაზ-მტვრის საბურველს მის გარშემო. მტვერ-გა-ზის კუდი კომეტს მზის მიახლოებისას უჩნ-დება და მისი სიგრძე შეიძლება არაერთ მი-ლიონ კილომეტრს აღწევდეს.

ზოგი კომეტა პერიოდულია, როგორც მაგალითად გალეის კომეტა, რომელიც ყოველი 76 წლის შემდეგ უბრუნდება მზეს. არის კომეტები, რომლებიც გაივ-ლიან მზის სისტემაში, მაგრამ უკან აღარ ბრუნდებიან. ასე რომ, გაურკვეველია წარმოშობით მზის სისტემას ეკუთვნიან თუ უცხო სტუმრები არიან, რომელ-თაცან ზოგი, როგორც გალეის კომეტა, მზეს დაუტყრია.

უკეთაა შესწავლილი უფრო პატარა მეტეორიტები. პლანე-ტათშორის სივრცეში უამრავი ასეთი სხეული მოძრაობს კოსმო-სური სიჩქარით. თუ მინას მოუ-ახლოვდება და ატმოსფეროში შემოიჭრება, ჰაერი მის მოძრაო-ბას წინააღმდეგობას გაუწევს, ძლიერი ხახუნი გამოიწვევს სხე-ულის გახურებას ისე, რომ იგი ნათებას იწყებს. ესაა ის რასაც ხალხი მოწყვეტილ ვარსკვლავს უწოდებს.

შედეგნილობისა და სტრუქტურის მიხედვით მეტეორიტებს რამდენიმე ჯგუფად ჰყოფენ, მთა-ვარი არის: რკინამეტეორიტები და ქვამეტეორი-ტები. პირველნი ნიკელნარევი რკინისაგან შედგე-ბიან, მეორენი კი ამ მხრივ ფუძე მაგმულ ქანებს უახლოვდებიან.

მინაზე დაცემის ადგილზე მეტეორიტი, თავი-სი სიდიდის მიხედვით, ფოსოს ან ორმოს აჩენს, მაგრამ გიგანტური მეტეორიტების შემთხვევაში შესაძლებელია დიდი კრატერისებური რელიეფის წარმოშობაც.

მზისგან მეტნაკლები დაშორების მიხედვით პლანეტები სამ ჯგუფად იყოფა: შიგა პლანეტები-მერკურიდან მარსამდე, შუა პლანეტები-იუპიტე-



რი და სატურნი, გარე პლანეტები-დანარჩენი. პლანეტების სიდიდე შუა პლანეტებიდან ორივე მიმართულებით კლებულობს.

მინა, როგორც ერთ-ერთი შიგა პლანეტა, 149.5 მილიონი კილომეტრით არის მზისგან დაშო-რებული, ღერძზე მისი ბრუნვის პერიოდი არის ერ-თი დღე-ღამე (საშუალოდ 23 საათი, 56 წუთი, და 4.0905 წამი), ხოლო მზის გარშემო მიმოიქცევის-365.256 დღე-ღამე საშუალოდ.

მინის ორბიტიც, რა თქმა უნდა, ელიპსურია და ამ ელიპსის ერთ-ერთ ფოკუსსაგანში იმყოფე-ბა. ამიტომ გასაგებია, რომ ამ ფოკუსის მახლო-ბელ ორბიტის ნაკვეთზე არის ერთი წერტილი, რომელიც ორბიტის ყველა წერტილზე უფრო ახ-ლოს მდებარეობს მზესთან (პერიჰელიუმი), ხოლო მეორე ფოკუსის მხარეზე იქნება მზისგან ყველაზე მეტად დაშორებული წერტილი (აფჰელიუმი). პე-რიჰელიუმიში ყოფნისას, რაც 2-იანერს ხდება, მი-ნა 4 800 000 კილომეტრით უფრო ახლოსაა მზეს-თან ვიდრე აფჰელიუმიში ყოფნისას ივლისში. ამის გამო მზის რადიაცია იანვარში 7%-ით მატულობს. მინის ღერძი, რომ ორბიტის სიბრტყისადმი პერპენდიკულარული ყოფილიყო: მინის მზისკენ მიქცეული მბრუნავი ზედაპირი მთელიწლის გან-მავლობაში პოლუსიდან პოლუსამდე იქნებოდა განათებული.

დედამინა თავისი ორბიტის მიმართ დახრილია 23.5°-ით. მზის გარშემო მოძრაობისას იგი მუდამ ინარჩუნებს თავის მიმართულებას და პოლუსის ვარსკვლავისაკენ იყურება. ამის გამო დეკემბერ-ში მინის სამხრული პოლუსი მზისკენაა, მარტში კი-მინის მარცხენა მხარე. ასევე ივნისში ჩრდილო პოლუსია მზისკენ და სექტემბერში მინის მარჯვე-



ბერიჯიარის კრატერი არიზონას შტატის ჩრდილოეთით.

ნა მხარე. შესაბამისად 22-ს დეკემბრს მზის სხივე-ბი შევულად ეცემიან თხარქის ტროპიკზე, ამ დროს სამხრეთ პოლუსი განათებულია, ხოლო ჩრდილოეთ პოლუსზე ჩრდილია (ზამთრის არდა-დეგი); 22-ს მარტს მზის სხივები შევულია ეკვა-ტორზე და შემეხები ორივე პოლუსსზე (გაზაფხუ-ლის ბუნიობა); 22-ს ივნისს შევულია კირჩხიბის ტროპიკზე და დამრეცი ჩრდილო პოლუსზე (ზაფხულის არდადეგი); 23-ს სექტემბრს ისევ შე-ვულია ეკვატორზე და შემეხები ორივე პოლუსზე (შე-მოდგომის ბუნიობა); ამგვარად წარმოდგებიან წე-ლინადის დრონი ანუ სეზონები (გაზაფხული, ზაფხული, შემოდგომა, ზამთარი) რომელთა მიმ-დინარეობა ჩრდილო და სამხრულ ნახევარსფერო-ში ერთიმეორის საწინააღმდეგოა.

გეოგრაფიის სპეციალისტი II კურსის სტუდენტი

რედაქტორი: იოსებ სანიქია
საუბილინო: ნესტან მანუჩაძე



საკადაშიო კოლეჯი:
ნანა მანუჩაძე
ინგა შამილიაშვილი
ნათია ნიქაშვილი
ნიჩო ფოლია
მეჩანე პირაშვილი
დავით პაატაშვილი
მარკო ნავაშვილი
მითა მანუჩაძე

გაზეთი დანიშნულად
გამომცემლობა
„სამშობლოში“
2 18 07 76; 5 99 95 31 90
მის.: ქ. თბილისი,
როზაქიმის 7

